

المسرحية الكوميدية

ملك الزبالة

أو

الزبالين

تأليف

السيد حافظ

الرؤيا الأولى ١٩٩٢

الفصل الأول

تنبيه وتحذير

حقوق المؤلف محفوظة .. لا يحق لأى فرقة مسرحية هواة أو محترفين فى مصر أو الوطن العربى تقديم هذه المسرحية الا بتصريح من المؤلف ولا يحق إعداد النص أو تحويله الى لهجة عربية أو اقتباسه الا بتصريح من المؤلف.
حقوق العرض المسرحي والنشر محفوظة للمؤلف.

المؤلف

عزى المشاهد

مسرحية ملك الزباله حدثت بالفعل .. وقائعهه فى دمشق عام ٣٦٥ - ٣٧٣هـ. كما ذكرها د. شاهر مصطفى فى دراسته فى مجلة الآداب والتربيه فى جامعة الكويت العدين الثالث والرابع يونيو وديسمبر ١٩٧٣ - ٢٢٣. وكما ذكر بن الاثير ص ١٠ - ٢٠٥.

أهذى هذه المسرحية الى " الزبال " النبيل قسام التراب أو قنيم الزبال الذى حكم الشام لمدة سبع سنوات فنظف شوارعها وعدل بين الناس وألغى الوزراء والأمراء والبىروقراطية فى الوقت الذى فشل فيه كل من العزيز الفاطمى فى مصر والخليفة العباسى فى بغداد وامبراطور الروم.. وأمير القرامطة .. الى هذا الزبال الذى رفض أن ينام على الحرير وأن يسرق شعبه أو يسرق أمام عينه. الى تاريخنا العربى الجميل فى زمن حكم الزبالين.

(إلى أخى الأديب النبيل دكتور رمضان حافظ الحالم بعالم جميل)

المؤلف

السيد حافظ

المشهد الأول

يفتح الستار فى المسرحية

الزمان	: فى الفجر .. ضوء ازرق.. فى عام ٢٦٥ هـ.
المكان	: دمشق .. إحدى الضواحي .. أكوام الزبالة.. كوخ بسيط يطل على أكوام الزبالة.. يدخل زعتر يجد سعد (زبالان قويان من رجال قسام التراب) ينظ فى الزبالة.
زعتر	: بتعمل ايه يا سعد ؟
سعد	: ح أكون بعمل ايه.. زى ما انت شايف.. بفرز زبالة الوالى والتجار والأغنياء.
زعتر	: والفقراء.
سعد	: سبت لك زبالتهم.. أصل ريحيتها وحشة قوى.. يا أخى شئ غريب الفقير فقير فى كل حاجة.. حتى زبالتة تلاقيها فقيرة.
زعتر	: اللى يسمعك كده يقول عليك غنى.
سعد	: غنى النفس والحمد لله.
زعتر	: لقيت فاكهة ورز ولحمه.
سعد	: باقية خروف مشوى من زبالة سيدنا القاضى وبقاية خروف مشوى ورز بالخلطة من زبالة الوالى.
زعتر	: (يفتش فى زبالة الفقراء) دى زبالة عمك منصور صباغ الحمير. مافيهاش غير عيش معفن.. استغفر الله.. اسمع يا سعد زى ما قالنا المعلم قسام.. لو لقيتم حاجة تنفع للأكل فى زبالة الأغنياء أدوها للفقراء اللى زبالتهم بتصرخ.
سعد	: من الزبالة تعرف البيوت.. حافظ أوامر المعلم قسام التراب يا ولد يا كنتش يا كنتش.. يا كنوش الزفت.
كنوش	: أيوه يا معلمى (يدخل)
سعد	: تعرف بيت عمك منصور صباغ الحمير؟
كنوش	: عارفه
سعد	: روح اديله دول وقوله المعلم قسام التراب ببسلم عليك.
زعتر	: بسرعة يا ولد
كنوش	: حاضر (يجرى وهو يحمل اللفة)
زبيدة	: اعملى شاي يا مريم وتعالى (من خارج المسرح)
مريم	: حاضر يامه
زبيدة	: وصحى أخوكى وليد احسن تروح عليه نومه زى امبارح.
مريم	: (من الخارج) حاضر يامه.
زبيدة	: (تظهر على المسرح) صباح الخير يا سعد.. صباح الخير يا زعتر
سعد	: صباح النور يا ام مريم يا أجدع ست فى الشام.
زبيدة	: والبنى الشام مليانة ستات جدعان بس الزمان خوان يا سعد.
زعتر	: هو فين المعلم قسام ؟.

- زبيدة : زمانه جاى.. خلصت الشغل اللى عندك يا سعد ؟
- سعد : فرزنا الزبالة زى ما قال المعلم قسام.. وشيلنا الحاجات اللى تنفع من زبالة الأغنياء ووزعناها على الفقراء زى ما قال.
- زعتري : كله تمام يا أم وليد.. أول مرة نشوف ملك الرجال قسام التراب يدى من زبالة الأغنياء للفقراء.
- زبيدة : لو كان بأيده.
- سعد : بايده لو يشاور عم قسام التراب لننهب قصور الاغنياء لكن هو بيقول المال الحرام بياخد الحلال فى سكتة واحنا معاه فى فكرته.
- رجل ٢ : (يدخل) ايوه يا معلم سعد وزعت اللى قلت عليه.
- شرطى ١ : (يدخل شرطيان)
- زبيدة : فىن قسام التراب ؟
- شرطى ٢ : قول صباح الخير الأول.. اتو البيوت من أبوابها مش فىن قسام التراب؟
- زبيدة : جرى ايه يا زبيدة جوزك فىن ؟
- زبيدة : شوف يا خويا اللفظ سعد.. انا اسمى أم وليد والمعلم اسم أبو وليد واسمه الحقيقى أبو الرجال.. ملك الرجال.. مش فىن قسام التراب يا زبيدة.. جتك كويه وكبيبه.
- سعد : يا فتاح يا عليم على الصبح (يشمر عن ساعديه)
- زعتري : فيه ايه علشان عايزين المعلم قسام ؟
- شرطى ١ : فيه ضرايب عليه .
- زبيدة : (تصرخ) ضرايب عليه .. يا لهوى.. هو بيتاجر فى الذهب وألا فى الماس دا بيشتغل فى الزبالة والتراب.
- شرطى ٢ : برضه عليه ضرايب.
- سعد : عملتوا ضرايب على التجار ماشى.. الذهب والفضة ماشى.
- زعتري : ضرايب على التجارة اللى داخله واللى خارجه من البلد ماشى.
- زبيدة : ضرايب على الزبالين.
- شرطى ٢ : جوزك قسام التراب شيخ الزبالين.. معلم الزبالين يدفع على كل زباله يشيلها سحتوت.
- زبيدة : إن شاء الله تموت.. قال سحتوت قال.
- شرطى ٢ : فىن قسام التراب يا أم وليد خلصينا.
- زعتري : انتوا بتهزروا يا عساكر أكيد.. ضرايب ايه اللى على الزبالين؟
- منصور : يا ناس (يدخل وخلفه شرطى) يا ناس الحقونى.
- زعتري : وهو يدفع ليه.. هو بياخد من اللى عايز يصبغ.
- شرطى ٤ : حتدفع الضرايب يعنى حتدفع الضرايب يا صباغ الحمير.
- منصور : منين ؟
- شرطى ٤ : ياخذ من كل زبون زيادة ويدفع للديوان.
- زعتري : يا ناس دا كلام ضرايب على الصباغين كمان.
- شرطى ٣ : ما تتفلسفش يا طويل اللسان.
- سعد : لم لسانك يا عسكرى السلطان.
- منصور : الحقونى يا ناس انا دفعت ضرايب للعطار على الصبغة قالى دى ضرايب جديدة على صبغة بدينار تدفع سحتوت للسلطان دفعت.. جايين دلوقت يقولوى ادفع سحتوت على كل حمار لينا.. ولمه من كل حمار بيصبغ حماره.
- مريم : (تدخل تحمل صينية الشاى) الشاى يا امه (تفاجأ برجال الشرطة) فيه ايه

- على الصبح.. عسكر يا فتاح يا عليم.. يا رزاق يا كريم.. عايزين ايه؟
 عايزين ضرايب على الزبالين.
 عاملين ضرايب على الزبالة والتراب؟
 أبويا فين ؟
 (لمنصور) مشى قدامى يا صباغ الحمير ما دام مش حتدفع تنتسجن.
 المعلم وصل .. المعلم قسام التراب وصل.
 مد شويه يا معلم .. مد يا خويا.
 يا رب سترك وجيب العواقب سليمة.
 الحقنى يا معلم قسام.
 (يضحك)
 بتضحك على ايه (للشرطى)
 بيقول الحقنى يا معلم قسام كأنه امير أو سلطان.
 دا ملك الرجال .
 دا زبال.
 بيقولك ملك الرجال وظيفته زبال وتراب.
 (يدخل رجل ذو شخصية قوية حوله مجموعة من الصبيان يتحفزون للشجار)
 الحقنى يا معلم قسام .. أنا فى عرضك. (يجرى ويحتفى خلف قسام)
 سيبوه.
 ايه سيبوه دى بقى حتدفع نيابة عنه.
 ادفع ايه ؟
 ما سمعتش قال ايه عاملين ضرايب على الزبالين.
 (ينفجر الجميع فى الضحك)
 بتضحكوا على النكته.. حلوه مش كده.
 دى مش نكته.. دى حقيقة.
 حقيقة.. حقيقة ايه؟ عايزين ضرايب على الزبالين.
 عايزين سحتوت على كل قفة زبالة بتنقلها يا قسام.
 (يضحك ويضحك الجميع معه) بس (يصمت الجميع) مين اللى قال الكلام الفارغ دا؟
 القاضى .
 بتقولوا ايه ؟ وقاضى ايه ؟؟ قاضى مين ؟
 بقى أنت مش عارف قاضى مين.. قاضى دمشق.
 والله دمشق فيها قاضى .. (يضحك .. يضحكون)
 مد قدامى يا عجوز يا طويل اللسان.
 منكم لله ضرايب جديدة حتودونى فى داهيه.
 الله الله انتم هاجين على الناس ضرايب ضرايب هى خزانة السلطان فاضية وألا ايه ؟
 لم لسانك يا قسام.
 هو كل شوية ضرايب على الغلابة كفاية بقى حرام عليكم.
 بقولك ايه يا قسام خلى رجالتك يسيبونا ويلموا الدور.. ومالكش دعوه بالضرائب والمصايب.. الوالى والى والوزير وزير والقاضى قاضى والزبال زبال.
 يا طويل اللسان.. يا كلب الأعيان علموه الأدب لما يكلم الرجال أزاى يبقى

زبيدة

سعد

مريم

شرطى ٤

سعد

زبيدة

زعترا

منصور

شرطى ٤

سعد

شرطى ٤

سعد

شرطى ٤

سعد

قسام

منصور

قسام

شرطى ٤

قسام

مريم

قسام

زبيدة

قسام

شرطى

قسام

شرطى ٣

قسام

شرطى ٢

قسام

شرطى ٣

غسان

قسام

شرطى ٣

غسان

شرطى ٢

قسام

- أديب.. وللرجال حسيب ويقدر وزن الرجال مش بالذهب والمال لكن يقدر
الرجال بالشرف.
- زبيدة : (لقسام) بقولك ايه بلاش تطول وتطول.
غسان : انا مش ح ادفع الضرائب والأتاوه.. أنا طول النهار قاعد فى البستان كل
شويه هات فاكهة للوزير فلان وفاكهة للأمير فلان.. وهات فاكهة للعسكر..
وهات فاكهة للوالى بيسكر.. وهات وهات زهقت طهقت مش ح ادفع ..
ادفع فاكهة بس.. فاكهة وبس ومش ح ادفع تانى.
- الزباليين : عاش عم غسان.. عاش.
قسام : اجدع فكهاى فى الشام عم غسان.. انسان قلبه الطيب لينا بستان أجدع
فكهاى .. شهيم وراجل وعجوز إنما حلیم.
- شرطى ٣ : قسام أنت بتلعب بالنار.
قسام : دى العيشة فى ذل عيشة مرار.. ألعب بالنار.. ألعب بالنار.. أصلى تراب..
النار تجينى أخط عليها تراب.
- سعد : (يجذب سعد بعيداً) ايه رأيك يا سعد؟ انت دراعى وطول عمرى عاملك
عينى على الولاد الشغالين تراقبهم وتخللى بالك منهم لحد يسرق بيت
ويشوه سمعة الزباليين.. وكنت دايماً أمين على البيوت.
- قسام : شوف يا معلمى علمتنا لما نلم وساخة الناس نحميمهم من العرض ونصون
كرامتهم لكن دول زودوها نشيل زبالة وكمان ندفع لهم بيقى لا.. دا كل أهل
الشام غلابة واحنا ممكن نضربهم ونخرب بيتهم دى عساكر ورق أرزقيه.
- قسام : (يترك المعلم سعد ويمسك زعتر) تعالى يا زعتر
زعتر : أمرك يا معلم.
قسام : ايه رأيك فى الكلام دا اللي بيقوله سعد؟ بيقول نضربهم ونأدبهم
زعتر : أنا شايف إننا ندفع النهاردة ومن بكرة مانشيلش الزبالة يوم اتنين تلاقه إن
شاء الله شهر وهما اللي حيجوننا ويبوسوا ايدينا شيلوا الزبالة فنقولهم
يدفعولنا .. لكن ضرب وضبط احنا ممكن نغلبهم بس احنا نربيهم بالأدب.
- قسام : طول عمرك عقلك تمام وبتحكم الكلام بالميزان وتحكم بين الصبيان.
مريم : أبويا حر مش دافع.
سعد : بقولكم ايه يا عسكر القاضى كل واحد ياخذ أخوه من ايده احسن يتوه
ويتوكل على الله.
- شرطى ٤ : عايزين منك سبع دينار ومن منصور ٣ دينار وناخذ فاكهة من البستان بدل
المال يعنى نتعاون مع الناس.
قسام : تعالى يا زبيدة.. اسكت يا سعد.
زبيدة : ايوه ياخويا.
قسام : (هامساً) هاتى من عندك عشر دنانير اديهم لهم.
زبيدة : بتقول ايه ؟
قسام : أعمللى اللي بقولك عليه.
- زبيدة : حاضر (تخرج من صدرها كيس نقود وتعد عشر نانير ذهبية) عشر دنانير.
قسام : خد يابنى من خالتك زبيدة عشر دنانير.. سبع دنانير علينا.. وثلاث لعملك
منصور وقول لعملك القاضى دول اللي معايا تحويشة عمرى ومن بكره.. أنا
والرجالة مش حنشيل زبالة من قدام أى دار.. وخليلى الزبالة قدام كل دار
وخليها.. احنا قسام التراب سيد الرجال كلنا مفيش شيل زبالة ولا تنظيف
التراب ولا تقسيم التراب من بيوت الأعيان والأمراء والقضاة والعسكر
والعسس وكل الناس لحد ما تتشال الضرايب والأتاوه من على الغلابة .

(تزغرد مريم وزبيدة)

: يا فرحتى يا ابه.. عملتنا قيمة.. عملت للناس الغلابة قية بلا ضرايب بلا خرايب.

مريم

: (يخرج رجال الشرطة ومعهم النقود.. وظلام على المسرح)

(المشهد الثانى)

بعد مرور ثلاثة أيام	: الزمان
أفيه.. أفيه.. أفيه.. أفيه (يضحك) تلت تيام بس ما شيلناش الزبالة والعسكر	: سعد
وشهبندر التجار والعيان والأمراء أفيه.. أفيه.	: زعتر
أهو دا الأدب من غير ضرب وخبط يا سعد.	: سعد
يا زعتر يا خويا .. دول عساكر ورق وأكلين تفاح.. لابسين حرير وحاطين	: زعتر
طراير على دماغهم وسيوف متلمعة وهدوم متشمعة كله فى الهواء.	: سعد
ساعات العقل يبقى زينة والدراع يبقى خيبة.	: زعتر
وساعات العقل يبقى خيبة والدراع زينة.	: سعد
ساعات وساعات .. أفيه.. أفيه.	: زعتر
هو المعلم فين؟	: سعد
(تظهر تحمل شأى) صباح الخير يا رجالة.	: مريم
صباح النور على البنور ازيك يا مريم.	: سعد
(دون اهتمام) ازيك يا سعد.	: مريم
المعلم صحا اكيد ما دام عملتى الشأى.	: زعتر
صحا وقعد وفطر.	: مريم
(يظهر) صباح الخير يا رجالة.	: قسام
صباح الفل يا سيد الرجال.. سمعت آخر نكته.. أفيه أفيه كله ماشى وماسك	: سعد
منديل على مناخير.. أفيه أفيه.	: قسام
والناس عامله ايه.	: زعتر
الأغنياء بيصرخوا من الزبالين.. فين الزبالين.. أفيه أفيه.	: قسام
والفقراء.	: سعد
متعودين على الريحه الوحشة فعمالين يضحكوا على الأغنياء.	: قسام
والضرايب.	: زعتر
بيقولوا لسه بيجمعوها وعاملين اجتماعات على طول فى بيت الوالى.	: قسام
والقاضى	: مريم
أنا خايفة عليك يا ايه.	: قسام
ما تخفيش يا مريم.. الخوف بيدبح الرجال ويشوه الجنين فى بطن امه ربنا	: مريم
معانا والحق معانا.	: زبيدة
(تظهر) ما تخفيش يا مريم على ابوكى دا ابو الرجال.	: سعد
هو وليد فين؟	: قسام
وليد بعته لحد حلب يشوف لنا موضوع ابو الزناتى.	: زبيدة
الراجل دا ما بيتعلعليش من زور.. وبعته فى ايه بقى؟	: قسام
لازم الشام كلها تبقى يد واحدة ومفيش شيل زبالة فى دمشق وكل الشام.	: زبيدة
يا خويا خلينا فى دمشق.. إنت عايز الشام كلها ليه؟	: قسام
ما هو انا شيخ زبالين الشام واللى اقوله هنا لازم يبقى فى كل مكان.	: مريم
صح يا ايه هو دا الكلام.	: سعد
يعنى وليد سافر حلب؟	: قسام
وزمانه جاى.	: وليد
(من الخارج) يا سيد الرجال يا عم قسام.	: قسام
دا صوت وليد.	: قسام

- زبيدة : قال يا عم قسام.. قول يا ايه.
- مريم : ما انتى عارفه يامه وليد بيحب يضحك مع ابوه.
- زبيدة : عملت ايه يا ولد؟ مد قول.
- وليد : السلام عليكم.
- الجميع : وعليكم السلام.
- قسام : سبع ولا ضبع.
- وليد : ايوه يا ايه سبع بن سبع.
- مريم : جبت ليا ايه من حلب ؟
- سعد : عايزه ايه من حلب؟ واجبهولك يا ست البنات.
- مريم : مش عايزة حاجة يا سعد أنا بسأل أخويا.. انت اخويا.
- قسام : سعد زى أخوكى.
- مريم : زى.. بس مش أخويا.
- سعد : ماشى الكلام.
- زبيدة : هو اخوكى راح وجه من حلب على جناح يمامه.. مالحقش يجيب لك ولا يجيب لنا حاجة.
- وليد : انا مارحتش حلب وأنا فى الطريق قابلت ابو الزناتى ومعاه ابو عيد وكانوا جايين يقولوا لك أنهم سمعوا عن اللى حصل ومش حيشيلوا الزبالة إلا لما تديهم الأوامر.
- قسام : هم جم معاك يا أهلاً وسهلاً بيهم
- وليد : لا يا ايه رجعوا .. هما بلغونى إن حمص وحلب معاك كمان.
- مريم : احلى كلام يا ايه.
- سعد : والله احلى كلام.
- شهبندر التجار : (ينادى) يا قسام.. يا قسام.. افيه افيه.
- سعد : افيه افيه.
- قسام : دا صوت غريب ادخلوا يلا جوه الحريم يدخلوا جوه.
- زبيدة : بلا حريم بلا رجال خلىنا نسمع الكلام بدل ما نتصنت على الشبابيك والبيبان.
- قسام : ماشى يا زبيدة.. مين اللى بينادى.
- شهبندر التجار : انا شهبندر التجار افيه افيه
- زعتري : افيه عليك
- قسام : تعالى يا شهبندر التجار
- شهبندر التجار : (يدخل) السلام عليكم .. افيه افيه.
- الجميع : وعليكم السلام.
- شهبندر التجار : (يتجه نحو زعتري) ايه يا سى قسام.. انت زعلان من الوالى والقاضى والعسكر طيب وانا مالى انا بديلك دينار فى الشهر.. ادريك دينارين فى الشهر.
- قسام : أصل المشكلة مش معاك يا شهبندر التجار
- زعتري : مش انا سيد الرجال قسام.. اهو دا اللى بيكلمك (يشير الى قسام)
- شهبندر التجار : العتب على النظر ايه يا سى قسام.. مش ع اجبك دينارين أديك فى الاسبوع دينار بس شيل الزبالة من قدام بيتى .. الست مش عارفه تنام .. والأولاد كمان.. الكل تعبان والولد عيان.. ارجوك انا ماليش دعوه بالوالى ولا القاضى.
- قسام : ارجوك انت ادفع لهم كل اسبوع دينار وقولهم يشيلوا الضرايب من على

- الشعب الغلبان.
- شهبندر التجار : انا بدفع كل يوم عشرين دينار غير كل حمولة خارجة وجاية.
- قسام : وانا عند كلامي.
- شهبندر التجار : انا وكل التجار نقدر ندفعك كل يوم الضرايب بتاعتك بس تنصف قدام بيوتنا.
- زعتري : ايه رأيك انت تدفع لعسكر العزيز الفاطمي والوالى الفلوس ويشيلوا الزبالة؟
- شهبندر التجار : انت بتهزر يا خينا دا العساكر مليانة ايديها بالعطور.. قلت ايه يا قسام؟
- قسام : انتم كبار البلد وبايديكم تعدلوها.
- شهبندر التجار : يعنى مفيش فايده من الكلام.
- قسام : الضرايب تتشال .. احنا نشيل الزبالة.
- شهبندر التجار : طيب يا قسام.. طيب .. افيه افيه .. (يخرج ... ويضحكون)
- وليد : شئ ولا فى الخيال.
- مريم : شهبندر التجار كبير الأعيان يجى لحدنا.
- زبيدة : هنا قدام قسام.. سيد الرجال.
- سعد : يا سلام على الزمن يا ولاد قد ايه الواحد بيحس بقيمته.
- زعتري : العقل يا سعد.

(تغيير إضاءة)

(المشهد الثالث)

- المكان : نفس المكان.
الزمن : بعد اسبوع.
: (ضوضاء على المسرح.. ارتباك ظهور الشرطة فى كل مكان على المسرح)
قائد الشرطة : أين قسام التراب؟
قسام : اين قسام التراب (يقلده)
قائد الشرطة : انت منعت الزبالين من تنفيذ الأوامر ودفع الضرائب وشيل الزبالة.
قسام : انا دفعت الضرائب ونفذت الأوامر ومش ح اقدر ادفع لأنى مش زى عم
عم غسان : غسان عندى فاكهة .. تاخده زبالة بدل الضرائب.. وألا تاخدوا مقشات.
(يدخل الجنود) يا قائد الشرطة كل واحد بياخذ قفه علشانه زيادة عن
الضرائب سمسرة.
قائد الشرطة : اخرس انت.. جاى دورك يا عجوز.
مريم : عيب عليك يا قائد الشرطة لما تسب راجل عجوز.
قائد الشرطة : وانت مين يا صبية بنت غسان.
مريم : عم غسان زى ابويا.. انا ابويا شايل وساختكم ومن غيره تعفنوا .. أنا ابويا
يغيب الدنيا تبقى مالهاش أى قيمة.. زبال.. أنا أبويا قسام التراب.
قائد الشرطة : يا سلام.. خلفت يا قسام.. بنت جميلة القوام وجميلة اللسان.
زبيدة : خمسة وخميسة فى عينك.. خمسة وخميسة عليك.. بخروها بنتى دى
بخروها.. من عين حاسد حاسود.
قائد الشرطة : يا قسام انت مقبوض عليك .. انت أعلنت التمرد والعصيان.
القاضى : (يدخل) ايوه انا معايا أمر بالقبض على غسان التراب.
قسام : غسان التراب ولا قسام التراب.
القاضى : (ينظر فى الورقة) قسام وألا غسان.. قسام.. قسام التراب.
قسام : (يضحكون) هو فين ؟ (نظره ضعيف)
قسام : انا أهه.
القاضى : انت اللى سبت الزبالة قدام البيوت وخليت المدينة كريهه.. دمشق اللى
ريحتها فواكه و عطور يبقى ريحتها عطن وعفن آه لو ايدى تطول رقبتهك..
تمرد وعصيان واضراب كمان.
يا قائد الشرطة اقبض عليه.
وليد : ما حدش يقدر يقبض على أبويا؟
مريم : تنكسر ايد اللى يمد ايده.
زبيدة : قبل ما تخدوه حتخدونا معاه.. كلنا كل الزبالين.. كل الزبالين فى دمشق.
قائد الشرطة : الله دا تمرد؟!
القاضى : والتمرد عقوبته الاعدام والجلد والسجن كمان.
قسام : لا حتقبض عليا ولا حتمدنى ولا حتجلدنى ولا أى حاجة.. كل دا كلام فشكك
لما تبقى قدام قسام التراب يبقى تحاسب على الكلام.
قائد الشرطة : دا تهديد.
سعد : (لقائد الشرطة) الراجل دا يا وليد طرشه.. قلبه قاسى.. من قصيره خد
رجالك يا حبيبي والسلامة فى طريقك.
قائد الشرطة : دا انذار يا وليد.. بتهددنى.
القاضى : الإنذار عقوبته غرامة ميت دينار.

- قائد الشرطة : :
القاضي : :
قسام : :
القاضي : :
وليد : :
سعد : :
زعترا : :
القاضي : :
سعد : :
القاضي : :
زعترا : :
مريم : :
زبيدة : :
قائد الشرطة : :
قسام : :
سعد : :
وليد : :
قسام : :
القاضي : :
زبيدة : :
القاضي : :
زبيدة : :
القاضي : :
مريم : :
القاضي : :
سعد : :
وليد : :
- حا تسلم نفسك من غير دوشه ومن غير كلام.
وتنصف قدام دار القضاء وتنضب التراب.
احنا قسام التراب قلنا من أسبوع ممنوع تنظيف بيت الوالى والوزير
والعسكر لحد ما ترفع الضرايب.
ياه دا انت دخلت فى مصيبة المصايب.. الضرايب.. الضرايب أمر هام..
والعزيز الفاطمى فى القاهرة مستنى الجباية والذى منه على الأبواب..
الدولة بتمشى من الضرايب.
(ينادى) يا رجال قسام يا رجال الشام امسكوا ارواحكم فى ايد وسلاحكم فى
ايد.. ضمموا على الشام.. حلب.. حماه.. الدلب.. حمص.. دمشق..
السويداء.. دير الزور.. الرقه.. بيروت .. طرابلس.. كلكم يد واحد وقلب
واحد ويا قسام التراب.
(لقائد الشرطة) بقولك ايه ؟ لم رجالك من قصيره.
(للقاضى) يا عم القاضى نصف دارك ودار القضاء.. وخلقى الموضوع
يعدى على خير.
انا اشيل الزباله.
وماله.
انا قاضى.
وفاضى.
يا امه يا امه خايفة على أبويا ليسجنوه ويحبسوه ويشردونا.
إلا أبوكى ما تخفيش
بنتك وابنك حايتهدلوا لو ماجتش معانا.
الكلام غير الأفعال.. ايه رأيك تنزلى نزال الرجال.. راجل لراجل كف بكف
واللى يغلب يحكم على التانى بأى حاجة.
(يصفق رجال قسام بفرح) تمام
ايوه ياللا يا قائد العسكر.
(قائد الشرطة يرتبك)
والقاضى ما بينا يحكم.. راجل لراجل يد ليد.
انا ماليش فى الكلام دا؟
ليك فى ايه يا حسرة كل اسبوع لك جوازه.. بنت حلوه وعليها تاخذ كيسين
دهب وتتشرف بالنسب والبنات يا خسارة تتجوز ليلة وتطلق من تانى
ليله.. ويبقى محكوم عليها ما تتجوزش تانى لأجل تاخذ معونة بيت المال
فى كل شهر جزية.
الكلام دا عيب يا زبيدة.
يا مصيبتى الراجل عارف اسمى.
يمكن نبقى نسايب يا زبيدة
نسايب.
آه والله مريم بنت حلوه قوى.. هما قالولى.. بس انا شايفها احلى والله
خلفتى يا زبيدة.
قطيعة اتجوزك انت يا كركوبه.
ح اتجوزك حتى ولو خطفتك بدراعى.
شوف الراجل وعماليه.. انا مستعد انازلك نزال الرجال يا قاضى القضاة
على مريم.. بدراعك زى ما قلت لا خطف ولا يحزنون نزال.
(يدخل) هى ايه الحكاية بالضبط فهمونا انتم جايبين ليه وعاوزين ايه؟

- زبيدة : شوف الرجل العجوز مناخيره قد الكوز يتجوز يا أخی.. جتك جنازة عندك كام سنة ؟
- القاضي : سبعين سنة بس يا زبيدة.. والرجال مش بالسن الرجال بالأفعال واسألني عنى النسوان يا زبيدة.. يا بنت ستيتيه.
- قسام : تمام الرجال بالأفعال وانا موافق تنازل سعد على جواز مريم. (الرجال الزباليين يصيحون)
- القاضي : (يمسك سعد بعيداً) اسمع يا سعد.
- سعد : ايوه.
- القاضي : انا ح انازلك كده وكده وانت تتهزم واديلك ألف دينار.
- سعد : بس؟
- القاضي : وحصان.
- سعد : بس..؟
- القاضي : وحمار.
- سعد : بس؟
- القاضي : وجمل.
- سعد : بس ؟
- القاضي : وجارية روميه.
- سعد : بس ؟
- القاضي : باقولك ايه مفيش حاجة ت انيه تتركب كنت عطيتها لك.. كل الركوب دا فى الحلال يا ولد مش فى الحرام وانا بحب الحلال.
- سعد : ايه .. انت مش معقول؟
- القاضي : قلت ايه ؟
- سعد : موافق.. يا رجال .. اتفقنا اللي يتهزم يسلم مش كده يا قاضى.
- القاضي : تمام.. اتفقنا على دا الكلام.
- المجموعة : ايوه.
- سعد : النزال لأجل مريم
- مريم : يا ايه معقول الكلام دا.
- قسام : ماتخفيش على سعد.. انت ليه وهو ليكى.
- القاضي : (يصفق الرجال تصفيقه خاصة بهم)
- القاضي : (يحدث النزال.. يحاول القاضي أن يقدم حركة ويصفع سعد لكن سعد ينازله بضربه واحدة فيسقط على الأرض.. فيصفق الجميع)
- القاضي : ولد يا سعد ما اتفقتاش على كده.. (يقف القاضي) (سعد يضربه مرة أخرى)
- القاضي : الحكاية دي وراها حكم بالإعدام على سعد لأنه تعدى على القاضي
- قائد الشرطة : اثناء تأدية وظيفته.
- قسام : تحب النزال تانى يا قاضى.
- القاضي : ايوه (يمسك شرطى جانباً) يا منصور لو غلبنى .. لو غلبنى سامع خللى بالك لو غلبنى قبل ما انزل على الأرض الحقنى واطعنه .. اقتله يبقى مات اثناء مقاومته للشرطة.
- سعد : ياللا.
- القاضي : (يصفق الرجال بشدة تصفيقه مميزة) (ينزل القاضي مع سعد عندما يهزم القاضي .. يحاول منصور الشرطى طعن سعد.. فيفاجأ بوليد وزعتر يمسكان به بعيداً حتى يهزم تماماً ويسقط)

سعد
القاضي
قائد الشرطة
قسام
قائد الشرطة

: هزمتك .. هزمتك .. مريم ليا .. مريم احلى صببية .
: بالخيانة .. أوعى سيبني .. يا رجال امسكوهم كلهم .. امسكوا البنت دهييه .
: حتشيل الزبالة دلوقت فى الحال يا قسام وتدفع الضرايب وألا حنسجك انت
وعيالك ورجالك فى الحال .
: دا كلام فاضى .. اضربوهم يا رجال .
: اقبضوا عليهم يا رجال .
: (عندئذ يتحول المسرح إلى معركة ينتصر فيها رجال قسام التراب على
رجال الشرطة ويهرب القاضي والجميع)
(ضوء بلاك أوت - ظلام)
(يمكن استخدام الفلاش فى المعركة)

(المشهد الرابع)

(المتاريس فى كل ارجاء المسرح حول البيت)

(كل الرجال يحملوا اسلحة مكانس.. وبعض السيوف وحجارة وقفف)

- مريم : (تدخل تحمل أكواب الشاي للرجال.. تصل عند سعد) الشاي يا سعد.
سعد : تسلم ايدك يا مريم (يرتشف رشفة) تسلم ايدك أما كباية شاي إنما ايه .
مريم : ايه.. بقولك ايه يا سعد؟ انسى الكلام اللى قلته للقاضى.
سعد : (يبتسم) انا كسبتك بدراعى ومستعد أفديكى بروحى يا مريم بس ما تتجوزيش القاضى الفاضى.
مريم : (تضحك) انت ايه اللى عملته فى القاضى يا سعد؟
سعد : ما عملتش حاجة يا مريم .. ضربته.
مريم : حد يضرب القاضى يا سعد.
سعد : علشانك يا مريم.
مريم : قولى يا سعد.
سعد : عيون سعد.. روح سعد.
مريم : هو القاضى لما خدك على جنب قالك ايه.
سعد : قالى ح اديك ألف دينار وبيت وحصار وحصار وحصار وجملة وجارية رومية.
مريم : حديدك كل دا.
سعد : علشان يغلبنى قدام الناس وياخدك.
مريم : وانت سبت كل دا ليه ؟
سعد : علشانك يا مريم.
مريم : والجارية الرومية افرض إنها جمل منى؟
سعد : مفيش اجمل منك لا رومية ولا هندية.
مريم : افرض إن القلب مش معاك ؟
سعد : مش مهم.. المهم ما يخدوكش منى.
مريم : مين ؟
سعد : أى حد.
مريم : يعنى الجواز بالعافية.
سعد : لا.
مريم : ولو اتجوزت غيرك.
سعد : أموت اتنين من عسكر العزيز الفاطمى واقتل نفسى.
قسام : (يضحك.. تسير فى اتجاه الرجال)
قسام : (يتحدث مع زعتر) بعث مراسيل لجبل طرفه والزبدان تطلب كل الزعار والحرافيش تطلب معونة الزبالين والعيارين.
زعتر : وبعثوا رجال وقطعوا الطرق على رجال الوالى وعسكر العزيز الفاطمى.
كنش : (يدخل وفد ارتدى سلسلة فى رقبته ذهبية) سلام يا ملك الرجال.
قسام : ايه الأخبار يا كنش.
كنش : كله تمام
زعتر : ايه اللى فى رقبته دا يا كنش؟
كنش : دى سلسلة ذهب لقيتها فى رقبة عسكرى من عساكر العزيز الفاطمى.
قسام : بتقول ايه يا كنش ؟

- كنش : انت زعلت وألا إيه يا معلمى ؟
- قسام : أمال عايزنى ازغرت وألا اتحزم وارقص واقول لرجالتي لبسوا سلاسل ذهب زى الحرير.
- كنش : ما هو كل الأمراء والأعيان لابسين سلاسل ذهبية.
- قسام : احنا مش لصوص زيهم.
- زعتري : اهدى امال يا سيد الرجال.
- زبيدة : اخلع يا ولد السلسلة.
- كنش : الله الله ما تقولوا انتم عايزين السلسلة وبلاش الشتيمة فيا.
- زعتري : السلسلة دى حتتابع حا نجيب لنا بيها سلام يا كنش وأكل لأننا محتجين سلاح وأكل.
- كنش : كده.. طيب.. انا جدع برضه وافهمها وهى طيارة.. ح انصرف واجيب لكم سلاح وأكل وابع السلسلة ولا تزعل منى يا ملك الرجال عن اذنكم (يخرج) مالك يا قسام؟
- قسام : انا خايف يا زبيدة .. خايف رجالتي يلبسوا الحرير ويبقوا زى الأمراء والأعيان ورجاله ورقة ويتصرفوا تصرفات صغيرة زى اللى شفقتها يضيعوا.
- زبيدة : بعد الشر.. بعد الشر.. زعتري يخلى باله.
- زعتري : يا ملك الرجال انت طول عمرك محكمنى عليهم.. مخلىنى أحكم بين الزبالين.
- قسام : خايف عليك لما تشوفهم بسلاسل الذهب يختل ميزانك.
- زعتري : ولا مال قارون يخلينى اختل.
- وليد : (يدخل على المسرح يجرى) يا ابيه يا ابيه.
- قسام : خير يا وليد؟
- وليد : الوالى جاى ومعاه ألف جندى.
- قسام : ألف جندى مش مهم.
- وليد : وباعت مرسال.
- قسام : مين ؟
- وليد : اتنين عساكر شايلين علم أبيض ومعاهم القاضى.
- زعتري : اتفاوض معاهم.
- مريم : أوعك يا ابيه تنزل راسك.
- زبيدة : فشر.
- قسام : خليههم ييجوا يا وليد.
- وليد : اتفضلوا يا رسل العزيز الفاطمى.
- القاضى : (يدخل ومعاه الحرس وهو يحمل علم أبيض ورايه جلد) (ينظر يجد مريم) إزيك يا مريم.
- قسام : اتكلم يا رسول العزيز الفاطمى.
- القاضى : من العزيز الفاطمى إلى قسام التراب سلم تسلم وإلا. العزيز الفاطمى (يمزق الرسالة)
- قسام : بتعمل ايه بتقطع الرسالة.
- القاضى : دى التعليمات تنقطع الرسالة بعد القراءة علشان ما يبقاش لك تاريخ يا قسام .. احسن يكتبوا إن فى يوم من الأيام بعث العزيز الفاطمى لزبال رسالة .. إزيك يا ست أم مريم وازاى المحروسة.
- زعتري : الرد يا ملك الرجال.

يا سعد بيقولوا إن العزيز الفاطمي خايف إن الزبال قسام يدخل التاريخ.	قسام
ما هو داخل التاريخ ومدلّل رجليه يا قاضي.. الوالى فين؟	سعد
الوالى هناك.. اسمع يا قسام سلم نفسك للجنود انت وأولادك حنخدكم فى الحديد فى إيديك ورجليك ونلف بيك لفة فى شوارع الشام وتسافر للقاهرة بدل ما الجيش يدخل فى معركة والبنت المسكينة مريم تنجرج.	القاضى
مالكش دعوه انجرح وألا أموت حتى.	مريم
قداكم لحد عشرة ح اعد وبعدها ندخل الحرب.. ذراع بذراع.. وسيف بسيف .. وراجل براجل.. واحد.	قسام
يا قسام.	القاضى
اتنين.	قسام
حتخسر كل الرجال. طيب ابعدوا مريم عن المعركة.	القاضى
ثلاثة.	قسام
يا قسام بلاش معاندة.	القاضى
اربعة.	قسام
استعدوا يا رجال.	وليد
خمسة.	قسام
يابنى .. يا زبيدة كلمى جوزك.	القاضى
سنة.	قسام
كله يحمل سلاحه.	سعد
سبعة.	قسام
(يجرى) استعدوا يا جنود.	القاضى
ثمانية.	قسام
السلام يا رجال (من الخارج).	القاضى
تسعة.	قسام
استعدوا يا رجال لهجوم على قسام.	قائد الشرطة
عشرة.	قسام

(تحدث معركة شرسة بين رجال قسام ورجال العزيز الفاطمي

وتنتهى بانتصار رجال قسام التراب)

(ســــــــتار)

(المشهد الخامس)

- : (يفتح الستار على قصر الوالى فى دمشق وقد ربطت ايدى الوالى فى حبل
والقاضى ورئيس الشرطة)
(وقد وقف الزبالون يحملون السلاح بدلاً من الشرطة)
(وقسام يجلس على كرسى الوالى)
(قسام يمسك السوط فى يده ويضرب فى الهواء)
قسام : هو دا الكرباك اللى كنت بتضرب بيه.. مش كده يا والى دمشق؟ (يضرب
الهواء)
الوالى : أى .. أى .
قسام : يا راجل عيب هو انا ضربتك . أنا بهوشك. دا انت والى لازم تكون جامد.
الوالى : شوف يا قسام .
وليد : قول عمى قسام يا طويل اللسان.
زبيدة : ايوه قول يا ملك الرجال.
القاضى : ملك الرجال.. دا غلط. مفيش الا ملك واحد.. خليفة واحد وامير واحد هو
العزیز الفاطمى.
مريم : يا سلام يا خويا .. أمال أبويا دا يطلع ايه؟
وليد : هزمناكم وفرجنا التاريخ عليكم.
زبيدة : ضربناكم وعساكركم الورق وقعت وباشت.
قسام : بطلوا كتر كلام انت وهى وهى وهو.
سعد : لما يتكلم عمى قسام يحلا الكلام والسلام اتفضل.
قسام : يا متولى .. يا متولى.. (يقصد الوالى) يا متولى.
الوالى : نعم .. متولى كده حاف من غير القاب.
القاضى : اسمع يا قسام .. اعدل الميزان الوالى والى.. والزبال زبال..
قسام : يا سلام . بأمانة ايه يا عرفان يا قاضى يا فسدان.. انا حاكم الشام ومفيش
كلام.
الوالى : العزیز الفاطمى .. حيز عل
زبيدة : يا امه خوفتنى يا خويا بالعزیز الفاطمى.
مريم : خوفتنا بالعزیز الفاطمى .. العزیز الفاطمى عليكم انتم.
وليد : وابويا هزمنكم وهزم عسكر العزیز الفاطمى.
الوالى : يا ناس سيونى انا وقسام اتكلم معاه كلمة رجال لودحنا.. ارجوكم.
القاضى : وانا عايز أكلمه فى موضوع مهم جداً يهمنى انا ومريم على انفراد.
قسام : ما بوزش الحكم فى الدنيا الا الكلام اللى على انفراد يا إما خيانة يا إما
دسياسة.. يا إما خديعة.. مش كده يا متولى.. مش كده يا قاضى.
سعد : جرى ايه يا قاضى وأنا مالى ؟
الوالى : ادينى فرصة اتفاهم معاك يا معلم قسام يا ملك الرجال.
قسام : سيونى كلكم انا ومتولى نتكلم شوية.
زعترا : انصراف .. كله ينصرف يا جماعة .. (ينصرف الجميع من على المسرح)
الوالى : انا الوالى مش متولى يا قسام.. اعدل الكلام علشان يتعدل الميزان.
قسام : وانا ملك الرجال قسام.. وانت اسمك الحقيقى متولى.
الوالى : مش مهم انا.. اسمع العيز الفاطمى حيز عل ومش حيعدى الموضوع دا
على خير.

- قسام : يا سلام.
- الوالى : آه والله.
- قسام : والنبي ايه .
- الوالى : آه والله.
- قسام : انت الوالى متولى بتشتغل عند العزيز الفاطمى صح ؟
- الوالى : صح.
- قسام : صح وألا غلط.
- الوالى : صح .
- قسام : ما انت شاطر ااهه .. خمسة وخميسة عليك.
- الوالى : انت بتهزر يا قسام.
- قسام : اهزر على كفى بالذمة اللى انت جاييهم دول عساكر وألا تنايلة السلطان؟
- الوالى : انا مش قادر أصدق ان الزبالين هزموا العساكر المتدربين.
- قسام : الزبالين رجال.. العسكر المتدلعين ماسكين سلاح زينة بيعملوا بيه ايه ؟.
- الوالى : دلوقتي.. العزيز الفاطمى حيقلب الدنيا حيبعت جيوش حيشنقوك.
- قسام : العزيز الفاطمى مش حيقبضك أول الشهر دلوقت.. انا اللى ح اقبضك؟.. انا بس.
- الوالى : لا.
- قسام : ما احبش اشغل حد ببلاش.. ح اقبضك بس على قد شغلك بالمرتببات الجديدة.
- الوالى : ارحمنى وسفرنى للقاهرة عند العزيز الفاطمى أبوس ايدك سفرنى.
- قسام : انت عايز تسافر عند الخليفة الفاطمى.
- الوالى : ابوس ايدك.. ادينى ايدك ابوسها.
- قسام : بوس.. (يقبل الوالى يد قسام) بوست.. خلاص.. انا بقى مش موافق على سفرك.. أنا عايزك تشتغل معايا محتاجين لك شوية.
- الوالى : أنا عايز اروح للعزيز الفاطمى فى القاهرة.
- قسام : انا قلت حشتغل عندنا يعنى حشتغل عندنا. قلت حشتغل.. تقرأ لى الجوابات وتكتب لى الأوامر.. سامع وألا ح اسجنك وابهدلك زى ما كنت بتعمل.
- زعترا (يهمس) ابو حيان يا ملك الرجال.
- قسام : والله.. أبو حيان .. أبو حيان مين.
- الوالى : ابو حيان مؤرخ الخليفة العباسى وكاتب الديوان.. الحمد لله.
- قسام : انت تعرفه؟
- الوالى : دا أديب كبير وكاتب كبير.. دا احسن واحد يشتغل فى كتابة التاريخ والرسائل والجوابات خده يشتغل بدالى وأنا أسافر عند العزيز الفاطمى.
- قسام : لا . انت حتساعده.
- الوالى : إزاي ابان قدام الناس. إزاي امشى واعيش زى أى وحد؟
- قسام : يا سلام .. يعنى انت ابن تسع شهور والناس ولاد سبعة؟
- الوالى : لا مش قصدى.
- قسام : شوف قدامك تلت حلول.. أول حاجة تشتغل زبال وتنصف حارة العطارين.
- الوالى : تانى شغلانة كاتب الملك والديوان .. تالت حاجة تشتغل معلم لولاد الزبالين تعلمهم القراءة والكتابة.
- الوالى : آه يا نفوخى.
- زعترا : اختار وخلصنى مش فاضى لك عمنا الملك قسام.

- الوالى : مش عارف اختار ايه؟
- قسام : نادى لى ابو حيان.
- زعتري : (بصوت مرتفع) يدخل ابو حيان.
- ابو حيان : (يدخل الرجل وهو فى الخمسين) السلام عليكم ورحمة الله وبركاته
- قسام : أهلاً يا أبو حيان.
- الوالى : ازيك يا أبو حيان.. قوله يا أبو حيان.. دا انت مؤرخ الخليفة العباسى وعالم هذا الزمان. ينفع لا مؤاخذه زبال يبقى ملك الرجال ويقف قدام العزيز الفاطمى.
- قسام : يا سلام قوله يا أبو حيان قول لمتولى.. عنتر مش كان راعى غنم. وبقي أمير مش كدة يا أبو حيان.
- الوالى : بس ما بقاش ملك ولا سلطان.
- قسام : يا سلام .. أمال كان إيه وألا قوله يا أبو حيان.. فهمه حكاية عنتر مولاي قسام التراب التاريخ دايماً له أحوال غريبة وعجيبة.
- ابو حيان : مين اللى بيكتب التاريخ قولى؟
- الوالى : المؤرخين.
- أبو حيان : زى أبو حيان كدة.
- قسام : صح.
- قسام : اكتب لى التاريخ بتاعى يا أبو حيان. اكتب لنا.. الزبالين هزموا الجنود وحكموا البلاد. اكتب يا أبو حيان.
- سعد : (يدخل) الشاى لملك الرجال معلنا قسام التراب والحاج أبو حيان شوية شاى إنما ايه تمام.
- قسام : حظيت نعناع يا واد يا سعد.
- سعد : نعناع طازة.
- الوالى : اكتب يا أبو حيان يا مؤرخ الخليفة العباسى.. ناس داخلة على السلطان كأنهم قاعدين فى حارة.
- قسام : فيها إيه؟.. مش الوالى أو الملك إنسان.. قوله يا أبو حيان.
- أبو حيان : الحقيقة يا مولاي.
- قسام : إيه هى الحقيقة؟
- ابو حيان : الحقيقة إن الملوك مش حيسمحووا بكتابة تاريخك مهما كان.. مهما كان مهما نجحت مهما حققت. لو كنت تاجر لو كنت من الجنود وألا الضباط كان ممكن لكن اسمح لى أقولك زبال مش ممكن.
- الوالى : أنا قلت الكلام دا. سامع يا سى حسان.
- أبو حيان : أنا جاى من عند الخليفة العباسى واحنا بناديك وندعمك وجايين لك هدايا علشان تحرر هذا البلد من الفاطميين وتعلن الولاء للعباسيين.. الهدايا. (يصفق . يدخلون العبيد يحملون صناديق الهدايا المختلفة)
- سعد : يا حلاوة .. يا حلاوة..
- زبيدة : (تدخل تحمل مبخرة) رقيتك واسترقيتك يا سى قسام التراب يا ملك الرجال.
- زعتري : (ينظر للهدايا) ذهب .. ياقوت.. مرجان.
- قسام : إيه دا كله.. أخذ دا كله أعمل بيه إيه؟
- الوالى : (هامساً فى أذن قسام) خداهم منه واشكره.. هدايا الملوك لا ترد.
- قسام : أنت شايف كدة.
- الوالى : ايوه.
- قسام : شوف يا أبو حيان.. أنا مش محتاج للمال ولا للمجوهرات ولا للمرجان ..

- أعمل بيه إيه ؟
- الوالى : يا قسام .. قصدى يا ملك الرجال. الحكاية.
- قسام : اسمع يا عم أبو حيان أنا لا بحب الذهب ولا المرجان.
- أبو حيان : أنت بقيت ملك الشام والإمارة عايزة إعداد رجال.
- قسام : عمر الذهب ما صنع رجال يا عم أبو حيان.. ذهب ومال إيه بس يا أبو حيان.
- زبيدة : قسام.. قسام تعالى لما أقلك كلمة.
- قسام : عن إذنك (ياخذها جانباً) فيه إيه يا ولية.. فى إيه؟
- زبيدة : خد للبت حلق ذهب وخلخال وعقد علشان لما تتجوز.
- قسام : أما كلام نسوان بصحيح جرى لك إيه يا زبيدة أعمل إيه بالذهب؟
- زبيدة : حد يقول الكلام دا.
- قسام : ح أبقى اشتر لها من السوق لما الأمور تتحسن شوية.
- زبيدة : أمور إيه انت بقيت والى الشام ومسئول عن كل حاجة.. يا متولى
- الوالى : نعم.
- قسام : تعالى عايزك ما تروح لهاش.
- الوالى : جيت.
- قسام : الوالى وظيفته إيه بالضبط.. غير العبيد والجوارى الحسان والقصر الجميل دا.. بيعمل إيه بالضبط؟
- الوالى : يدير البلاد.
- قسام : يعنى إيه يدير البلاد.. يا غلبان دا احنا ما شلناش الزبالة تلت تيام ولا عطيناكم تراب البلد عفنت دا كلام تقولهولى.. طيب ازاي تدير البلاد.
- أبو حيان : (يدرك الحالة التى فيها) خلى الذهب عندك والفلوس عندك حتعوزها ولما تعوز أى حاجة من الخليفة العباسى ابعث لنا فى الحال السلام على ملك الرجال قسام التراب.
- قسام : استنى يا أبو حيان.. قوللى (ياخذة بعيداً) هى شغلانة الوالى دى صعبة.
- ابو حيان : (يضحك) ما أسهل شغلانة.
- قسام : ازاي.
- ابو حيان : اى واحد يجيلك فى شكوى حوله على القاضى.
- قسام : دا قاضى.. قاضى إيه بس.. تخيل عنده ١٧٣ عيل ويتجوز كل اسبوع بنت قد عياله ويطلقها.
- ابو حيان : عارفينه . ممكن تغيره يا مولاي.
- قسام : اعين غيره. زى مين .. تفتكر مين اللى ينفع.
- أبو حيان : واحد جدع وفاهم وما يحبش الهار وجد فى أعماله وإذا حكم بين اتنين عدل وله عقل رزين مش متسرع.
- قسام : يبقى الواد زعتر.. مفيش غيره رزين وعقله حلو.
- أبو حيان : خلاص يبقى زعتر.. عن إذنك يا ملك الرجال (يخرج) (ينظر قسام إلى الوالى)
- قسام : متولى الواد زعتر يبقى القاضى.
- الوالى : زعتر قاضى. يا نفوخى.. يا ناس.. زعتر قاضى.
- قسام : مش حرامى.. ولا كرشه حامى. ولا عقله فاضى.. وعقله يوزن بلد.. طول عمرى ابعته يحل المشاكل بين أى اتنين.. دايماً حكم فى مجلس العرب.
- الوالى : بس دا مش كافى.
- قسام : ما بسش.. اكتب الكلام دا فى بيان يا تعبان.

- الوالى : بيان من قسام التراب ملك الرجال يتعين زعتر قاضى للشام.
(يكتب البيان ويسلمه فى الحال لأحد الرجال)
سعد : (يدخل يحمل العلم فى يديه) العلم دا.
قائد الشرطة : العلم دا علم البلاد. إاي يدوس عليه الزبالين.
قسام : الله .. انت زعلان إنهم داسوا على علم البلاد.
قائد الشرطة : دا علم العزيز الفاطمى.
قسام : غيروا العلم.
الوالى : العلم يتغير.. يتغير إزاي.. دى الإعلام أمانة؟
قسام : وادوا الإعلام القديمة لمعسكر العزيز الفاطمى ما دام أمانة وقولوا للعزيز احسن له يديها للفقراء يعملوا بيها فساتين وجلابيب وحاجات تانية.
الوالى : ازاي البلاد تكون من غير أعلام.
قائد الشرطة : الشام من غير أعلام دا كلام.
قسام : اعملوا لنا أعلام جديدة.
الوالى : أعلام جديدة.
قسام : أيوه جديدة.. ح ا رسم علم ولا فى الخيال.. علم يبقى مالهوش مثال.
قائد الشرطة : ح ترسم علم ايه زباله.
قسام : لا وأنت الصادق.. مكنسة وقفه.
الوالى : (يضحك) معقول؟ علم مكنسة وقفه.
قائد الشرطة : (يضحك) دى نكته.
قسام : لا يا حبيبي أنت وهو دى حقيقة علم مكنسة وقفه.. احنا قسام التراب ملك الرجال قلنا والقول صحيح على كل بيت من بيوت الأمراء والأعيان يحمل الزباله ويرميها فى خارج المدينة.. احنا قسام التراب قلنا.. والقول صحيح نظفوا المدينة واحملوا زبالنكم من قدام الديار واكنسوا الشوارع والحوارى وامنعوا الضرانب وآه لو شفت ورقة مرمية فى حارة وممنوع أى حد يتبول على التراب واللى بيره حيتملى بالثقيلة بمية قفة تراب يردمها ويعمل بير جديد.. اكتب دا يا كاتب الديوان يا متولى يا سكران.
الوالى : ايه يا متولى السكران.. ايه يا متولى السكران دى انت ناوى تهزأنى.
قسام : مش كنت بتسكر على طول.. فى كل ليلة ودخلت لقيت الجرات مليانة خمرة فى بيتك.
زعتر : (يدخل مسرعاً) ايه اللى سمعته دا زعتر مين اللى بقى قاضى يا ملك الرجال.
قسام : انت يا زعتر.. فيه فى المملكة حد تانى اسمه زعتر؟
زعتر : بس أنا ما اعرفش .. ما اقدرش اتحمل المسؤولية دى.
قائد الشرطة : ما يعرفش دا زبال أمى جاهل.
قسام : لا.. يعرف.. وبعدين هو مش أمك هو زى أبوك وبعدين الجاهل انت.
قائد الشرطة : اللى تشوفه يا مولاي.. أنا جاى استنذن فى الخروج للقاهرة.
قسام : انا عينتك مسئول الزبالين فى حى التجاربيين وتجار الخيش؟
قائد الشرطة : انا ابقى مسئول الزبالين فى حى التجاربيين وتجار الخيش؟
قسام : (مقاطعاً) أيوه انت بشحمك ولحمك.. امال حلقى مين غيرك.
قائد الشرطة : ومين يتولى الأمن.. أمن الشام.. البلد حتبقى من غير رجال شرطة.
قسام : سعد يتولاها.. سعد طول عمره جدع.. حرس أكياس الزباله وأمانة الزبالين.
سعد : انا ابقى قائد الشرطة .. دا كتير.

- قسام : على الأقل يا سعد لما تضمن تأكل الحرامية مش حيسرقوا البلد.. لو ضبطنا توزيع الأكل مفيش حرامية.
- سعد : والحرامية الكبار من الموظفين.
- قسام : كل حرامى منهم ركبه حمار بالمندار وشه مكان قفاه وخليه يدور فى شوارع الشام علشان الناس ترقصه.. يتن يرقص ويتحرك لحد ما يموت.
- سعد : وبكده نحقق العدل.
- قسام : يا للا انصراف يا مسئول البالة فى حى التجاريين وألا تحب ترقص على عربية بحمار.
- قائد الشرطة : لا.. اشيل الزبالة أحسن .. (يخرج)
- زعتري : عن إذتك يا مولاي.. أخذ القاضى معايا يودينى الدار.
- قسام : آه بس على الشرطة.. هاتهلولى الأول.
- القاضى : (يدخل القاضى) أنا واقف على الباب سامع كل حاجة . أنا موافق يا عم قسام على كل حاجة.. انت عمى والعم والد.
- قسام : والد.. يا راجل أنت أكبر منى.
- القاضى : انت الأكبر فى المقام.. أنا طالب إيد بنتك مريم وادفع مهرها تلت تلاف دينار.
- مريم : (تدخل تصرخ) أوعى يا ابه تعملها وتوافق ولا حتى بعشرين ألف.
- القاضى : وافق يا عمى ارجوك وأنا مستعد اشتغل عندك زبال .. حمار.. ادفع ثلاثين ألف دينار.
- مريم : أوعى يا ابه أنا ح اتجوز سعد.
- القاضى : سعد قائد الشرطة دا ما حلتوش حق البدة.. ادفع اربعين ألف دينار مهرها.
- سعد : ايوه قائد الشرطة يا قاضى يا أبو ذمة واسعة يا حرامى.
- القاضى : دا ظالم ما دام شرطة يبقى ظالم.. يا عمى.. "قسام" .. الشرطة دايماً ظالمين اسألنى أنا.
- قسام : شوف يا قاضى.. أنا ح أعينك تقسم التراب وتفتش على البيوت تشوف الحمامات وتعمل المخالفات للى يعملها فى الطريق من تبول أو...
والدار والبنات والولاد والنسوان.
- قسام : الدار حسيبها بس علشان ولادك يشتغلوا معاك فى عمل المخالفات والتفتيش على الطريق.. ونسوانك تشتغل من باقى النسوان فى غزل الصوف.
- القاضى : موافق بس مريم.. ادبنى مريم وانا اعمل أى حاجة وادفع خمسين ألف دينار مهرها.
- مريم : يا دى مريم وسنين مريم يا راجل شوف لك حاجة غيرى.
- سعد : سيبه يا مريم يتكلم على كيفه سيبه يهو هو.. هو يا قاضى.
- القاضى : أنا مستعد أهو هو بس ادونى مريم هو.. هو.. هو.. يلا بقى ادبنى مريم يا سعد.. مش قلت لى هو هو.. ادبنى هو هو.
- قسام : أما راجل عينه زاغة يلا انصرف مع سعد فى الحال.
- القاضى : ح انصرف يا ملك الرجال (يخرج مع سعد)
- زبيدة : (على المسرح قسام وزوجته زبيدة وابنه وليد)
- قسام : ايه يا قسام حتعلم ايه فى المال اللى لقيته فى قصر الوالى؟
- قسام : ح اوزعه على الناس.
- زبيدة : توزعه على الناس.

- قسام : الزبالين والكناسين والشطار والحرافيش والعيارين والزعاليك والزعران والأحداث.
- مريم : واحنا يا ايه ؟
- قسام : احنا ايه .. العيش مخبوز والميه فى الكوز يا بنت قسام التراب .. مالك يا وليد ساكت ليه.
- وليد : معقول الكلام دا يا ايه نعيش فى القصور ونشرب فى كوز ونخبز زى ما كنا فى حى الزبالين؟
- رجل ١ : ملك الرجال جانا مرسال من القرامطة.
- قسام : خليه يدخل الحريم انصراف.
- زبيدة : جى ايه يا راجل خليه يدخل انت حتعملهم عليا .. روحى يا مريم انتى علشان لسه صغيرة.
- مريم : حاضر يامه بس اشوف القرموط دا.
- قسام : خليه يدخل القرموط دا.
- القرموطى : السلام عليكم ورحمة الله وبركاته.
- قسام : السلام عليكم ورحمة الله وبركاته.
- القرموطى : ملك الرجال صاحب العلم الجميل المكنسة والقفه.
- قسام : شايفين القرموطى فاهم إزاي.
- زبيدة : قرموط انما ايه لسانه بينقط عسل.
- القرموطى : مولاتى زبيدة.
- زبيدة : يا حلاوتك يا جمالك خليت للحلويين ايه .. قولها تانى سمعنى مولاتى زبيدة.
- القرموطى : مولاتى زبيدة التى ساندت ملك الرجال قسام التراب الذى سيحقق العدل مثل دولة القرامطة ويلغى الثراء
- قسام : لا أنا عايز ألغى الفقر مثل الغنا .. انا عايز كله غنى كله بيكسب ياكل .. كله بيشر .. كله يسكن.
- القرموطى : دى مكنسة من ذهب وقفه من ذهب صغيرين حلويين.
- قسام : سلطانكم دا راجل جدع كان بيشتغل إيه قبل ما يبقى سلطان؟
- القرموطى : ما هو ابوه كان سلطان.
- قسام : قصدى جده الأول.
- القرموطى : سلطان.
- قسام : الأولانى خالص.
- القرموطى : كان صياد.
- قسام : اعملوا سمكة من ذهب وأهدوها للسلطان القرموطى أتاريه قرموط.
- القرموطى : شكراً يا ملك الرجال .. (ينظر ناحية مريم)
- الأميرة مريم .. مولانا الأمير عايز يخطب مريم لابنه على .. عنده ٢٥ سنة وابن سلطان القرامطة.
- وليد : يعنى حتاكلى سمك على طول ببلاش.
- مريم : يا دمك يا أخى وانت غلّس كده.
- زبيدة : (تزغرد) يا حلاوة يا مريم السلاطين جايبين يخطبوكى.
- مريم : بتزغرتى على إيه يا امه.
- القرموطى : ودا سيف ذهب للأمير وليد.
- زبيدة : دا عبيط ما يعرّش يمسك سيف لكن بيضرب بعصا المكنسة أحسن من عشرين سيف.
- وليد : يا أمه اسكتى شوية متشكرين (يمسك السيف)

- القرموطى : (يقدم صندوقاً مليئاً بالعملة) احنا عملنا عملة جديدة ع ليها صورتك وكتبنا تحتها قسام يا شديد. ياللى اقوى من الحديد.
- قسام : فلوس عليها صورتى ومكتوب تحتها الكلام دا.
- القرموطى : مش مصدق أوه .. (يفتح الصندوق والأولاد والزوجة يفرحون بالعملة)
- قسام : أما انكم قراميط بصحيح عاملين حساب كل حاجة بالتمام والكمال.
- القرموطى : امر ملك الرجال.
- قسام : روح شوف لك نومه.
- القرموطى : بتقول ايه يا مولاي؟
- قسام : بقولك روح نام وفوت عليا بكره.
- زبيدة : (تهمس فى أذنه) قسام.. اسمع.. شوف الراجل متولى يدبر له نومه.
- قسام : يا متولى .. يا متولى يا زفت.
- الوالى : نعم (يدخل)
- قسام : نعمة تترفصك.. اسمع.
- الوالى : نعم.
- قسام : الراجل دا ضيف خده نيمه وريحه واستضيفه فى بيت الضيوف يا حلوف.
- القرموطى : الراجل دا بتشبه عليه . يشبه مين .. مين ؟.
- الوالى : الراجل دا بتشبه عليه .. مش فاكرنى.
- القرموطى : يخلق من الشبه أربعين تشبه الله يحجمه مطروح ما راح الوالى السكران
- التعبان.. سارق الأمن والأمان.
- قسام : الفاتحة على روحه.
- الوالى : اتفضل قدامى.
- القرموطى : عن إذن مولاي.. (يخرج)
- مريم : ايه يا ايه.. حتجوزنى لابن سلاطين القراميط ؟
- زبيدة : حقه يا مريم حتبقى أميرة.
- مريم : لا يا أمه.. لا.. أنا اخترت سعد من زمان وأبويا عطاله كلمة مش كده يا
- ابيه؟ ساكت ليه؟ ما تتكلم.. ؟ أوعى يا ايه تبغنى ؟
- زبيدة : ببيعك ايه يا خايبة دى جوازة من ابن سلطان.
- مريم : يا ايه انت ساكت ليه .؟
- وليد : ابوكى بيفكر.
- قسام : حاجة تحير.
- زبيدة : لا تحير ولا تغير ايش جاب سعد الكحيان لابن السلطان ؟
- مريم : سعد يا أمه قائد الشرطة.
- زبيدة : بلا خيبة دى حنية قلب أبوكى هي خلته كده.
- وليد : صح يا أمه بس سعد دا يا امه طول عمره معنا ايد بأيد.
- زبيدة : ورجل برجل ورأس برأس.. إيه يا واد الكلام الخايب دا؟.
- مريم : يا أمه وليد كلامه مش خايب.
- زبيدة : هو لولا كلامه مش خايب كان حب أخت زعتر.
- مريم : ماله زعتر دا قاضى.
- زبيدة : بنت انتى.. انتى ناسية إنتى بنت مين؟
- قسام : (يدخل) بنت مين؟ يا زبيدة قولى لها.
- زبيدة : بنت قسام التراب ملك الرجال اللى تخطب وده السلاطين وحاكم بلاد الشام.
- قسام : بس قسام التراب دا زبال والعلم اللى قدامك ده عليه المكنسة والقفة
- علشان ما تنسيش أصلنا يا زبيدة.. سعد جوز بنتك مريم مهما جرت الأيام

- والواد حاجوزه اخت زعتر واحنا زى ما احنا زبيدة وقسام. : زبيدة
- والله ما انا قاعده لكم راح امشى واسيب لكم الديوان (تخرج) : مريم
- يا أمه.. يا أمه (تجرى خلفها) : وليد
- يامه.. يامه.. (يخرج) . (يخرج بمفرده على المسرح) : الشاعر
- (يدخل مسرعاً) أنت شمس يا مولاي. : قسام
- انت مين يا حرامى. : الشاعر
- انت قمر .. انت فجر للحياه. : قسام
- انت حرامى.. انت ازاي جيت هنا. : الشاعر
- أنا شاعر يا مولاي.. على بابك اقف منذ ثلاثة أيام.. لا طعام.. لا شراب.. : (يبكى)
- بتشتغل ايه يا ابني؟ : قسام
- شاعر يا مولاي. : الشاعر
- ما انا عارف شاعر . شاعر بيايه ؟ : قسام
- شاعر القوافي وفارس الكلمات. : الشاعر
- وحياة أبوك أقف معوج واتكلم عدل.. بتشتغل ايه ؟ نجار.. حداد.. عطار. : قسام
- شاعر الملوك وانت سيد الملوك اجمعين.. انت. انت ملك الزمال ما مضى : الشاعر
- منه وما هو آت.
- أبوك السقامات.. يا بتاع التلت ورقات.. علقوه على خازوق. : قسام
- أبوس ايدك يا مولاي سامحنى. : الشاعر
- اختار لك شغلانة يا نجار يا حداد يا عطار يا زبال. : قسام
- اصنع العطور فأنا أعشق الجمال. : الشاعر
- احسن برضه.. اشتغل علشان تاكل وتبطل كلام.. مع السلامة انت اسمك : قسام
- ايه يا ولد؟
- خادمك يا مولاي.. حسن. : الشاعر
- ماشى يا حسن.. أو عك الفاء بتشتغل فى التلت ورقات وتدويق الكلام .. ح : قسام
- اجلدك (يخرج مهرولاً)
- يا زبيدة .. يا زبيدة انتى فين (يخرج) : قسام
- (يدخل على المسرح عم غسان)
- مش معقول الكلام دا.. هو فين قسام ؟ .. فين قسام ؟ : غسان
- إنت جيت لحبيبك يعنى. : الوالى
- الله بتعمل ايه هنا ؟ : غسان
- بشتغل عند حبيبك الزبال. : الوالى
- ما عدش حبيبى .. قال إيه عايزنى أطلع زكاة المال فاكهة مال وأوزعه : غسان
- على الفقراء والجيش وقال إيه أشغل الناس بالمال مش بالطماطم دا كلام.
- فيها إيه لما الناس تشتغل بالوجبات ماله ومالنا؟
- (ينظر خلفه) دا زبال يا غسان. : الوالى
- لك حق. : غسان
- أنا أبقى كاتب. : الوالى
- فين أيامكم تاخده فاكهة بدل الضرايب. : غسان
- احنا مش ساكتين على اتصال بالعزیز الفاطمى. : الوالى
- والله يا ريت يرجع العزیز الفاطمى. : غسان
- القاضى وأنا وشهبندر التجار بنعمل اجتماعات كل يوم جمعة فى المساء فى : الوالى

- ديوان شهبندر التجار بنبت رسايل للعزير الفاطمى.
- غسان : وأنا معاكم.
- الوالى : قال إيه مش عاجبه كل حاجه ؟
- غسان : مش ممكن يفضل الحال على ما هو عليه؟
- الوالى : مش ساكتين له ؟
- قسام : (يدخل) دا عقل الستات وأفكار ستات.. (ينظر يجد الوالى وغسان) خير فى إيه يا عم غسان.
- الوالى : مفيش .. كان بيمدح فيك.
- قسام : اسكت انت يا متولى .. فيه إيه يا عم غسان ؟
- غسان : كنت جاى أسأل عليك.
- قسام : الله إنت اتعلمت من متولى تدارى الكلام يا عم غسان ماشى.. أهلا بيك.
- غسان : بتقول عقل ستات وأفكار ستات.. خير فيه إيه ؟
- قسام : أصل امبراطور الرومان بعث لى خدية شوية نسوان جوارى فكره إنى فاضى للنسوان .. هو اللى يتجوز زبيده يفكر يتجوز تانى (يضحك)؟
- الوالى : ها ها .. نكتة جميلة.
- غسان : زبيدة ست طيبة.
- الوالى : وامبراطور الروم عايز إيه ؟
- قسام : الله.. إنت بتدخل فى اللى ما لكش فيه.
- الرومانى : (يدخل مسرعاً وخلفه زبيدة) الحقنى يا مولاي الحقنى يا مولاي.
- زبيدة : جايب له نسوان .. راجل طويل عريض وجايب نسوان.
- قسام : كفاية يا زبيدة كفاية.
- زبيدة : والبنات اللى بعتهم لك ملك الروم هديه.
- الرومانى : جوارى مهلبية .. (يدخل وليد ومريم)
- وليد : يا ابيه أمة عملت فى البنات الروميات حتة عمله.
- الرومانى : أخذتهم وضربتهم علفة وبعتهم للحمام يشتغلوا فى تنظيف نسوان الزبالين.
- مريم : أوعك تغلط فى نسوان الزبالين؟
- الرومانى : هو أنا غلط؟
- زبيدة : انا مش قادرة أقف قدام الراجل دا.. أنا ماشيه (تخرج).
- قسام : (يضحك) حلوه يا زبيده استنى استنى.
- الرومانى : وفيين الحلوة فى كده يا مولاي.
- قسام : تبقى بتغير عليا زبيدة بتغير عليا.
- الرومانى : (يهمس) ح أخلى مولاي بيعت لك عشرينجاريه.
- قسام : يا بنى هو أنا قادر على واحدة لما تجيب لى عشرين وألا أقولك خليه بيعتهم يمكن اختار واحدة منهم للزمن.
- مريم : يا ابيه أقول لأمة ؟
- قسام : ما تقوليها حتخوفينى من أمك.
- مريم : لا يا ابيه .. بس تدخل ستات غريبة هنا.. أنا زعلانة هه (تخرج).
- وليد : مظبوط .. عن إنك يا ابيه.
- قسام : عارفك عايز تروح تدور على البنات الروميات.
- الرومانى : يا متولى يا زفت خد عم غسان وامشى وسبنى مع مندوب الإمبراطور الرومانى.
- الوالى : حاضر.. حاضر.

- قسام : ما تتصننتش على الباب .
الوالى : أمر مولاي . (يخرج)
غسان : أمر مولاي . (يخرج)
: (يبقى قسام والرومانى)
الرومانى : انت ليك أعداء يا قسام التراب ومؤمرات داخل وخارج البلاد واحنا لينا
عيون ونقدر نساعدك .
قسام : تساعدنى فى ايه .
الرومانى : نمد لنا بجيش تهزم بيه العزيز الفاطمى .
قسام : جيش ايه؟
الرومانى : جيش رومانى عظيم يساعدهم تهزم بيه العزيز الفاطمى وخليفة العباسيين
وملك القرامطة. وتبقى أنت امبراطور الدولة العباسية (الكبرى) إحنا
أصدقاء وفيه غيرك يتمنى اننا نساعده ومعاهم فلوس يدوها لنا لكن انت
تهمنا نديك فلوس ومال ورجال وفرسان تهزم جيرانك .
قسام : يا نهار أسود وليه أنا استعين بالروم واقتل العرب والمسلمين؟
الرومانى : علشان تبقى امبراطور العرب والمسلمين .
قسام : انا ابقى زبال فى أى مكان عند أى حاكم عربى حتى ولو كان الوالى متولى
ومياقش امبراطور تحت سيف رومانى يقتل أهلى واخوانى.. روح امشى
اغلقوا الديوان (يمشى).

(المشهد السابع)

- مريم : (مريم ووليد على المسرح بمفردهما)
وليد : انا راичه أشوف أمى (تخرج)
ليلى : طيب .. (يجلس على كرسي العرش)
وليد : (فتاة فقيرة أخت زعتر تدخل القصر على استحياء)
ليلى : ليلى .. انتى جيتى أخيراً للديوان.. ليلى يا وردة البستان .. يا حلمى
الجميل.
ليلى : أيوه جيت يا سى ووليد.. ما تكسفينيش بقى بالكلام الجميل.
وليد : أهلاً يا ليلى .. لو كنتى تعرفى قد إيه أنا..
ليلى : (مقاطعاً) أخويا زعتر قالى روحى كلمى عمك قسام التراب عايزك فى
القصر ضرورى.
وليد : دا القصر نور .. والحى نور..
ليلى : بصراحة خفت يا سى ووليد من القصر
وليد : ما هو أخوك عايش فى قصر.
ليلى : ما هو بصراحة يا سى ووليد قصر عن قصر يختلف.. القصر دا كبير
وليد : معاكى حق اتاريخهم عايشين فى قصور وسايبيننا فى خيام.
ليلى : عمى قسام هنا؟
وليد : طالع ينام شويه وزمانه جاى.
ليلى : طب اروح أنا وأفوت أشوفه بعدين.. أصل أخويا قالى إنه عايزنى
ضرورى؟
وليد : جرى ايه يا ليلى مالك مكسوفه منى ليه؟ ومستعجلة ليه؟ احنا من زمان ما
تكلمناش.
ليلى : سنتين يا سى ووليد واحنا بنحارب عسكر العزيز الفاطمى وسنتين واحنا
مش عارفين ليلنا من نهارنا.. أربع سنين فى حرب وضرب.
وليد : بس احنا بقت الشام ملكنا يا ليلى.
ليلى : يا ترى حتفضل حياتنا كده مش عارفين ليلنا من نهارنا؟
وليد : أبويا بيقول هانت وكل الأمور حتوضح.. زعتر اخوكى مبسوط؟
ليلى : زعتر (تضحك) الله ينيله قال الجعان يكتب طلب والعريان يكتب طلب وخلقى
العسكر تلف على المدينة تجيب الشكاوى وخلقى شهبندر التجار يوزع
الزكاة قماش على الغلبانين.
وليد : زعتر جدع.
ليلى : بس عيبه الوحيد ما بيعرفش يقرأ ويكتب.
وليد : يعنى استفدنا ايه من الله بيقراوا ويكتبوا خربوها.. وجابونا ورا وسرقوا
الناس.
ليلى : معاك حق يا سى ووليد ما تعرفش عمى قسام ع ايزنى ليه؟. والنبي لتقولى
يا سى ووليد احسن قلبى فى رجلى مش عارفه اتلم على جتتى من ساعت ما
أخويا قالى.
وليد : ابويا وافق يا ليلى .. وافق على جوازنا خلاص.
ليلى : معقولة .. صحيح .. عمى قسام وافق على جوازنا .. ومين قالك إنى ح
أوافق عليك (بدلال)
مريم : (تدخل) إيه دا القمر عندنا أهلاً يا ليلى.
ليلى : (تحضنها) أهلاً يا مريم وحشائى يا بنت عم قسام.

- مريم : جرى ايه يا عروسه .. جرى ايه يا عريس مش تفرج عروستك على القصر.
- ليلي : بصراحة انا مكسوفة قوى منك يا مريم انى ما جتش لكم من سنتين .. شغلتنا الحرب والضرب وهموم الناس وفرح الناس كل واحد نسي نفسه كلنا بنحلم وكلنا مشغولين.
- مريم : ياللا بينا قدامى وبطلى دلح البنات دا.. قال مكسوفة قال.. ياللا يا وليد تعالى معانا نفرج ليلي على القصر زى ما بنحلم مع كل الناس من حقنا نحلم شويه.
- وليد : ياللا بينا .. (يخرجان)
- : (يدخل القاضى وزعتر) (القاضى فى حالة رثه يحمل الأوراق بينما زعتر تحسن قليلاً فى ملبسه ولكن الملبس ليس فاخرأ)
- زعتر : عم قسام بعث لى يا ترى فيه ايه؟ فيه حد اشتكى له أكيد.
- القاضى : الشغل من الساعة كام للساعة كام فهمنى؟ تعبتنى .. ما هو أنا لازم أعرف الشغل من الساعة كام للساعة كام؟. مش طول النهار ألف وراك فيه ايه يا أخی..؟ أنا راجل كبير عيب يا زعتر.
- زعتر : ميت مرة أقولك القاضى زعتر يا كاتب القاضى.. وميت مرة أقولك علمنى القرآية والكتابة تطنش ولو انت قاضى عادل ما كنتش ألقى كل المشاكل دى فى البلد.
- القاضى : حاضر.. حاضر يا قاضى زعتر (لنفسه) امتى تيجى ياللى فى بالى وتخلصنا من اللى احنا فيه؟.
- زعتر : يا ترى عم قسام عايزنى فى ايه؟
- القاضى : عايزك فى كل خير.. يمكن حيغير الوزراء والمناصب.
- زعتر : دا حتى قالى إبعث لى اختك ليلي.
- القاضى : هى الست ليلي هنا ؟ جايز تبقى وزيرة وبيفكر يعمل وزارة أول مرة أشوف بلد من غير وزارات .. هى الست ليلي هنا؟
- زعتر : ايوه يا اما جات يا اما حتيجى.
- القاضى : بالمناسبة دى اسمح لى يا عمى القاضى زعتر أن أتقدم فى طلب.
- زعتر : (بدهشة) ايه يا عم القاضى زعتر جديدة دى.. على ودانى.. فيه ايه اتكلم بسرعة.. انا عمك القاضى زعتر.
- القاضى : ما تلخبطنيش بالمناسبة دى اسمح لى يا عم القاضى زعتر انى اتقدم لك فى طلب أيد اختك ليلي.
- زعتر : يا نهارك مش فايت إنت اتجننت يا راجل انت.. دى البنت تيجى قد أحفادك .
- القاضى : احفادى مين.. يا عم الراجل ما دام بصحته يبقى خلاص.. عندك قسام التراب مثلاً ابنه عمره ١٨ سنة وهو ٣٦ سنة .. دا ليه لأنه اتجوز وهو صغير.
- زعتر : دا قانون وزمان الزبالين البنت تتجوز سنها ١٦ سنة والواد يتجوز ١٨ سنة.
- القاضى : انا بقى اتجوزت عمرى ١٢ سنة.
- زعتر : يا شقى.
- القاضى : آه والله لما شافنى بقيت راجل وأنا عندى ١٢ سنة قال جوزة حالاً.
- زعتر : ومن يومها نازل جواز.. ارحم بنات الناس ربنا يخرب بيتك.
- القاضى : ما هو اتخرب على ايد الزبالين.. قصدى على ايديكم. قصدى اتخرب والسلام.

- قسام : (يدخل قسام التراب) ايه يا قاضى جيت ليه؟
القاضى : نعم.
قسام : (ينظر له بدهشة) هو انت قاضى.. انت قاضى.. أنا بقول يا قاضى.. يا أبو عقل فاضى للنسوان والكلام الفارغ.
زعتري : نعم.
قسام : انا طالب أيد اختك ليلي لإبنى.
القاضى : نعم بتقول إيه؟
قسام : اسكت يا راجل يا غلباوى.
القاضى : سكت .
قسام : طالب أيد اختك ليلي لإبنى وليد.
القاضى : (يبكى)
قسام : بيعيط ليه دا.. بدل ما تقول مبروك تعيط وتبكي أما راجل عديم المفهومية.
زعتري : دا شئ يشرفنى يا عمى قسام يا ملك الرجال.
زبيدة : (تدخل تزغرد) مبروك.
ليلى : (تدخل مع وليد ومريم)
قسام : اكتب يا قاضى الكتاب.
زعتري : اكتب يا كاتب.
القاضى : (يبكى) حاضر.. حاضر.. حتى أنت يا ليلي رحتى منى.
قسام : الله هو انت بقالك سنتين ما تجوزتش جوازه جديدة علشان كده.
: (يقلب المسرح الى فرح وزفاف.. يتحول الديكور مع نهاية الأغنية الى قصر العزيز الفاطمى)
العزيز الفاطمى : التاريخ حيقول ايه من ٣٦٥ لسنة ٣١٣ هجرية حكم الشام زبال اسمه قسام التراب.. دا كلام يا رجال.. عيوننا فى الشام بتقول أنه ملك قلوب الناس وماليهم إحساس.. والى متولى طالب فلوس على طول علشان يشتري لنا أعوان.
ابن الصمصامة : يا مولاي العزيز سبع سنوات بسبع حملات كل حملة بتهزم.
العزيز الفاطمى : ٧ سنين وعلم الشام مكنتة وقفه دا انسان غريب.. يا ابن الصمصامة دا بيقد ياكل فى الأسواق.. مع مبيضين النحاس والعطاريين والسقايين.
ابن الصمصامة : والغريب يا مولاي .. والعجيب يا مولاي عمل السيوف شكل المقشة والدروع شكل الفقة.
العزيز الفاطمى : أقول ايه قدام التاريخ العزيز الفاطمى فرسانه بتحارب زبالين.
ابن الصمصامة : يا مولاي بيحكم البلد من غير وزارة ولا بيعرفش يفك الخط.
العزيز الفاطمى : ايه رأيك يا ابن الصمصامة.
ابن الصمصامة : الرأى رأيك يا مولاي العزيز.
العزيز الفاطمى : يكون جيش أكبر من الجيش اللى فتحنا بيه مصر وانت تبقى قائد الجيش وتفتح الشام وتدخل دمشق وتجب لى قسام التراب حى مش ميت لأنه لو مات حيثحول لرمز وثورة شعبية ولازم تفوت عليه الفرصة دى.
ابن الصمصامة : الجيش دا يا مولاي حيثكون فى يده.
العزيز الفاطمى : حتى ولو.
الحارس : (يدخل) مولاي .. مولاي .. رسول يا مولاي من عيوننا فى الشام.
العزيز الفاطمى : يدخل قوام.
الرسول : يا مولاي الثورة قامت فى بغداد والعراقيين قاموا بثورة على الخليفة

العباسى وفشلت ورجعت بغداد للخليفة العباسى ورئيسهم هرب.
: عند قسام التراب والخيفة العباسى طالب راسه فى بغداد.
: احنا الفاطميين ومعنا حنقضى على قسام التراب ونعدل الميزان ما بقاش
اللا الزبالين .. يحكموا البلاد.
الرسول
العزير الفاطمى

(المشهد الثامن)

- الزمان : ٣٧٣ هـ
- المكان : (أحد الشوارع فى دمشق) بجوار بستان صناديق زباله فى كان حوالى
عشرين صندوقاً مليئاً بالقذارة .. ابن الصمصامة ومعه جنوده.
- ابن الصمصامة : فتشوا كل البيوت .. كل الحوارى .. كل شبر .. قسام التراب لو غاب -
العزیز الفاطمى حيدبجنا هاتوه لو متصاب بس حى .. لو اتصاب عالوجه
واشفوه وهاتوه سليم.
- جندى ١ : يا سيدى القاضى كل الحتت فتشناها.
- ابن الصمصامة : أكيد لسه حى.
- جندى ٢ : دورنا فى كل مكان.
- ابن الصمصامة : أما راجل غريب .. راجل عجيب .. سريره من خشب ومرتبه طين وبطانية
تعبانة من صوف الغنم.
- جندى : قسام التراب اتهزم يا سيدى اتهزم على ايد القائد الفاطمى الكبير ابن
الصمصامة دا اللى حيكته التاريخ.
- ابن الصمصامة : طبيخ إيه ؟
- جندى ٢ : يقول تاريخ الشعوب.
- ابن الصمصامة : فكرتوى بالتاريخ أى حاجة تلاقوها مكتوب فيها تاريخ عن قسام التراب
احرقوها.
- جندى ٢ : إزاي ؟
- ابن الصمصامة : إزاي يفضل تاريخه .. دا كابوس وانتهى مفيش حاجة اسمها قسام التراب
ولا الحرافيش ولا الاحداث ولا الزعران.
- جندى ٢ : ولا الشاطر دول مش ناس دول رعا .. مضبوط.
- ابن الصمصامة : اعلنوا فى كل البلاد خمسين ألف دينار ذهب فاطمى للى يقبض على قسام
التراب حى ويسلموا لنا.
- جندى ٢ : احنا فتشنا دمشق كلها فاضل البستان دا.
- ابن الصمصامة : فين صاحب البستان ؟
- جندى ١ : (يدخل معه غسان) اهه يا مولاي .. فتشنا البستان .
- غسان : أهلاً بقائد عسكر وجنود العزیز الفاطمى ابن الصمصامة .
- ابن الصمصامة : ابن الصمصامة .
- غسان : ابن الصمصامة يا تعبان.
- ابن الصمصامة : أنت غبى.
- غسان : انا مش صبى أنا عجوز ما انت شايف .. لا حيلتى عيل ولا حيلتى تيل.
- ابن الصمصامة : احنا عايزين يا .. انت قولت لى إنت اسمك إيه ؟
- غسان : يا ريت كان لى ولد زيه؟
- جندى ٢ : (يخرج سيفه) بتقول إيه ؟
- غسان : مش عارف هو مات واللا حى .. كان صاحبى لما كان زبال وكان عدوى لما
بقى سلطان.
- ابن الصمصامة : اسمع يا غسان لو لقيته حى حنديك خمسين ألف دينار ذهب سامع وأى حد
يلقاه حى حنديله خمسين ألف دينار.
- غسان : سامع يا مولاي القائد (يخرج القائد)
- جندى ١ : اعلان .. اعلان يا أهالى دمشق الفيحاء إعلان إعلان خمسين ألف دينار للى
يقبض على قسام التراب حى .. اعلان إعلان من قائد السلطان العزیز

- الفاطمي ابن الصمصامة خمسين ألف دينار ذهب للى يسلم قسام التراب
حي.
- : (يخرجون جميعاً .. الجنود وابن الصمصامة ويظل غسان على المسرح
الذى يخرج صفارة يصفر.. فيخرج من صناديق الزبالة قسام التراب).
- : ايه مشيوا.
قسام
- : مشيوا يا قسام.
غسان
- : خد العقد الماسى اللى بعته الخليفة العباسى هدية.
قسام
- : ادينى وفيت وعدى وفيت العطية.
غسان
- : كل دا جيش جايبه العزيز الفاطمي .. كل ما تموت فيه تلاقى ميتين.
قسام
- : دا جيش أكبر من الجيش اللى فتح مصر.
غسان
- : وكل دا ذهب جايبينه معاهم.
قسام
- : رشوه بيرشوا الناس بالذهب بتشتري الرجال والدول الكبير له تمن
غسان
- والصغير له تمن.
- : احسن مكان نستخبا فيه برميل الزبالة فكرة جميلة مش كده.
قسام
- : قوى يا قسام عندك ماس كمان وأنا أعمل اللى انت عايزه.
غسان
- (يدق على جنب غطاء الزبالة الثانى) (تخرج زبيدة)
زبالة يا قسام تخبينى فى صندوق زبالة.
- : ما هو الزبال لما يستخبي حيستخبي فى قزازة رحيه واللا فى سبت تفاح.
قسام
- : فين وليد .. يا وليد .. يا وليد.
زبيدة
- : (يخرج وليد من صندوق زبالة آخر) ايوه يا أمه انا أهو .. فين ليلى يا
ليلى.
- : (تخرج ليلى من صندوق الزبالة) أيوه يا وليد أنا اهه .. دنا حامل يا وليد
تخلينى فى صندوق زبالة فين زعتر وفين سعد؟
- : صندوق الزبالة (يضحكون)
سعد
- : نمت وجالك نوم.
زبيدة
- : يا سلام الواحد ينام فى صندوق الزبالة.. وهو يشم ريحة حلوه وجميله
زعتر
- والله زمان.
- : راحت السكره وجت الفكرة.
قسام
- : أنا خايف إن الأمور تخيب وما تصيب.
غسان
- : (ضوضاء)
- : صوت من البعيد.
غسان
- : ياللا بينا كل واحد يستخبا
سعد
- : (يختبنون فى صناديق الزبالة) (يدخل الوالى والقاضى)
الوالى
- : يا غسان.
غسان
- : نعم.
غسان
- : قسام التراب خلاص وأنا عايزك بكره تبعت لى التفاح الجميل والفاكهة
القاضى
- اللذيذة .. ترجع زى زمان وأدينا ريحانك منه ومن قرفه.
غسان
- : هو أنا ما قلتكوش.
الوالى
- : ما قلتش إيه ؟
غسان
- : مش ابن الصمصامة القاعد الكبير جه فتش البستان وقالى حيدىنى خمسين
ألف دينار ذهب لو لقيت قسام التراب.
- : (يحاول أن يسير .. يعد زعتر ويجذبه جلبابه) ايه دا فيه حد بيشدنى من
الوالى
- هدومى .. فيه حد غريب هنا.

- غسان : حد مين .. دى صناديق زبالة البستان.
- الوالى : أنا مش عايز غير الواد سعد إيدى تطوله.
- القاضى : وانا عايز الواد زعتر أشوفه .. أشوفه بس.
- الوالى : (يخرجان سعد وزعتر من صناديق الزبالة يخرجوا لسانهما من خلفهما)
- سعد : لو شفت الواد زعتر ح أقطعه تحت وأرميه للكلاب والقطة.
- زعتر : (يقلد الكلب) هو هو.
- الوالى : (يقلد القطط) نو نو .
- الوالى : أنا عايز اخلص تارى منهم.. أنا الوالى متولى لازم يعرف مين الوالى متولى.
- زعتر : طز.
- الوالى : بتقول إيه (لغسان) طز.
- غسان : ما قلتش حاجة ؟ والله ما قلت حاجة.
- الوالى : (للقاضى) سمعت اللى سمعته .. طز.
- القاضى : سمعت حاجة زى طز.. بس شامم ريحة مريم.
- غسان : شامم ريحة مريم بنت قسام.
- القاضى : ايوه مريم بنت قسام هنا.
- غسان : هنا مين ؟
- القاضى : (يشم مثل الكلب حتى يصل لصندوق الزبالة) هنا.
- غسان : (يضحك وهو خائف) دا صندوق زبالة فيه جتت وايد ورجول العسكر اللى ماتوا.
- القاضى : يا لطيف (بيتعد .. تضحك مريم)
- القاضى : ضحكة مريم.. سمعتها.
- الوالى : ايوه دى ضحكة مريم.. سمعتها.
- القاضى : مريم يا حبة القلب .. يا روح فوادى وهوأى .. مريم يا مريم.
- غسان : ضحكة إيه .. حد قادر يضحك فى دمشق لما أدخل أعمل لكم شأى.
- الوالى : استنى عندك أنا ح افتش البستان بنفسى صوت زعتر قال طز وضحكة مريم .. أنا ح افتش أنا والقاضى الظاهر أنت بنشتغل مع اللى يدفع أكبر يا غسان يا بخيل يا عميل.
- القاضى : ادخل انت وأنا ح أقف هنا علشان ما حدش يهرب منك لو طلوعوا ح أمسكهم.
- الوالى : دا كلام مظبوط.. ياللا قدامى يا غسان (يدخل غسان ومعه الوالى) (يظل على المسرح القاضى بمفرده)
- القاضى : أه لو شفتك يا سعد أدبحك واطلق مريم واتجوزها (تتحرك الصناديق بالزبالة فيفزع القاضى)
- سعد : (يخرج من صندوق الزبالة) مش حتقدر تتجوزها يا قاضى.. ومش حاظلقها اشهد أن لا اله الا الله واشهد أن محمد رسول الله.
- القاضى : مين سعد ؟
- سعد : أخرس.
- القاضى : انت حى (يفتح صندوق الزبالة الآخر تخرج مريم) حاقتك واتجوزها ارملى.
- مريم : مش حتقدر تتجوزنى ؟
- القاضى : مريم .. مريم أبوكى اتهزم وهرب وأنا عايز اتجوزك على سنة الله ورسوله.
- قسام : (يخرج قسام) جالك الموت يا خاين خنتنى.. يا قاضى إنت والتجار والوالى

- بعتم جوابات للعزیز الفاطمی و عملت مؤامرات .
- قسام : بعتنی وأنا منكم یا أندال .. دا أنا شامی زیکم .. منكم .. رحتم للعزیز الفاطمی وبعتنی .. وفتحوا ثغرة فی البلاد بالمال والرشوه وبعنوا دمشق الحزینة وبعتنی .. آه یا دمشق باعوی الکبار والزبالین حموی .
- القاضی : أنا فی عرضک یا قسام ما تقتلینش .
- قسام : اذا ما قتلکیش حتقتلی .
- القاضی : أنا اقلک لیه دا العزیز الفاطمی اللی عایز یقلک .
- قسام : وانت مش عایز تقتلنی .. مش عایز تسلمی وتقبض خمسين ألف دینار ذهب فاطمی .
- القاضی : أنا عایز اتجوز مریم وبس .
- سعد : آه یا قلیل الأدب .. تتجوز واحدة ست متجوزة یا راجل یا أبو عین زایغة یا ناقص .
- القاضی : یا سعد أنت قدامک ألف واحدة وسنک صغیر ممکن تتجوز غیرها أما أنا بحبها .
- سعد : أنا حأدبک علشان تبطل تتکلم عن مراتی .
- القاضی : ارجوک لا أنا بأحب الحیاه .. بحب الدنیا .
- قسام : أنا اللی ح اقلته لأنه خانی وخان البلد .
- القاضی : الخونه فی کل مکان حتی غسان خان
- ولید : (یخرج من الصندوق) أنا اللی حاقلته یا أمه .
- لیلی : (تخرج) أنا اتجوزته بمزاجی سامع بمزاجی .
- قسام : (صوت من بعيد .. ضوضاء .. یدخلون صنادیق الزبالة)
- مریم : صوت من بعيد .. کل یستخبی .. تعرف لو اتکلمت حاقلک واسلم نفسی .
- القاضی : أوعی تنطق ولا تتکلم .
- جندی ١ : حاضر یا ست مریم (یقترب منه جندی ١)
- القاضی : أنت کنت بتکلم نفسك ولا إیه؟
- جندی ١ : لیه هو أنا ا تجننت أنا کنت بکلم قسام التراب وزعتر .
- القاضی : هم فین؟
- جندی ١ : فی صنادیق الزبالة .
- جندی ١ : انت تقلت فی الشراب وألا إیه؟
- القاضی : اقبض علیهم فی صنادیق الزبالة .. صدقتی .
- جندی ١ : هنا (یشیر الی صندوق زعتر یرج فرده حذانه للجندی) دی جزمة .
- القاضی : مش ممکن .. مش ممکن .. بقولک هنا فی صنادیق الزبالة .. موتهم اسجنهم .. بس مریم فوتوهالی هی والبنت لیلی خدوا زبیده معاکم .
- جندی ١ : عن إذک یا قاضی .. روح نام احسن الدنیا برد .. الراجل بیخرف قال زبیده وقسام وعیاله فی صنادیق الزبالة .
- زعتر : (یسیر الجندی .. یخرج من الصندوق زعتر) ح أفرجک .
- القاضی : الحقنی یا عسکری یا عسکری .
- جندی ١ : (یعود الجندی) إیه یا قاضی
- القاضی : اقبض علیه فی الحال .
- جندی ١ : مین ؟
- القاضی : زعتر .
- جندی ١ : فین ؟
- القاضی : فی صندوق الزبالة دا .

يذهب ويفتح الصندوق تمتد يد زعتر بفردة الحذاء الآخر) أه.	جندى ١
يا ناس ح اتجنن.	القاضى
انت بتحلم وسكران يا قاضى القضاة عفواً فى الكلام (يخرج).	جندى ١
(تخرج زبيدة وتسك فى يدها فردة الحذاء) أنا بقى اللى ح أربيك مش الرجال (تضربه ويجرى أمامها تقع عمامته وعصاه ويدخل البستان).	زبيدة
(تعود زبيدة الى صندوق الزبالة) (يخرج من البستان الوالى وعم غسان)	
أنا متأكد إن البستان مفهوش حد.. يا قاضى يا قاضى (لا يجد القاضى) فين القاضى .. القاضى اختفى.	الوالى
لازم روح بيتهم الدينا برد يا والى.	غسان
دى عمامته ودى عصايته.	الوالى
صحيح دى عمامته ودى عصايته	غسان
يبقى اتخطف.	الوالى
اتخطف!!	غسان
العمامة عمامته والعصايا عصايته فى اتجاه البستان يبقى دخل البستان.	الوالى
طيب ادخل دورة الميه.	غسان
ادخل انت ح افضل هنا ح اجيب الجنود وانت طلعه احسن لك يا غسان.	الوالى
اطلعه منين بس ؟	غسان
بقولك طلعه من البستان فى الحال.. يا جنود يا جنود.	الوالى
انا داخل اهه (يدخل البستان).	غسان
القاضى اتخطف يا جنود... خطفه قسام التراب.. (لا أحد يريد)	الوالى
(يخرج قسام) انا ما خطفتهوش .	قسام
تبقى قتلته (يتحدث بحسن نيه)	الوالى
ولا قتلته (يعود يجد قسام أمامه)	قسام
الله عمى قسام انت حى . (يرتبك الوالى)	الوالى
ايوه حى يا زعتر.	قسام
زعتر هنا ؟	الوالى
(أيوه جاى) (يخرج من الصندوق) نعم يا عم قسام.	زعتر
وعم زعتر كما هنا.	الوالى
(تخرج) يا عمى الحل إيه حنفضل على الحال دا.	ليلى
(يخرج) أيوه يا ابيه تقطع رقبة الوالى والقاضى.	وليد
فى عرضكم.. ها .. ها أنتم مستخبين فى صناديق الزبالة.	الوالى
(تخرج) كتك نيلة مش عجبك الزبالة.	زبيدة
عمتى زبيدة كمان هنا.	الوالى
(يخرج) وانا كما يا طويل اللسان.	سعد
عمى سعد.	الوالى
اعمل فيه إيه؟	سعد
اسمع يا وليد .. البس هدم الوالى وارفع علم العزيز الفاطمى معاك	قسام
وانت يا ابيه وأمى حتعملوا ايه؟	وليد
خد أمك معاك.	قسام
لا يمكن اسبيك لوحديك.	زبيدة
خد امك معاك .. اسم الكلام.	قسام
يا ابيه .. اسمعنى.	وليد
بلاش حكاية الهدوم دى واروح اجيب له هدم من بيتى فى الحال.	الوالى

قسام	: بقولك ايه .. اسمع الكلام.
زعترا	: هتقلع الهدوم وألا نقطع رقبتك.
الوالى	: قلعت خدومى .. اهه.
وليد	: (يخلع ملابسه ويخلع وليد ملابسه ويتبادل الملايس)
قسام	: كده يا ايه.
ليلى	: شكلك فى الهدوم النظيفة حلو.
زبيدة	: وانا يا عمى ح اسيبكم ازاي.
ليلى	: روحى مع جوزك وخلي بالك منه وابقى سمى الواد قسام التراب ولو جيتى بنت سميها زبيدة.
زعترا	: مع السلامة يا أخويا.
قسام	: مع السلام يا ليلي.
وليد	: يلا مش وقت السلامات.
	: اشوف وشكم بخير.
	: (صوت ضوضاء)
	: (يدخلان فى الصنادق) (ما عدا الوالى بملابسه الداخلىة)
جندى ٢	: ايه دا .. انت مين ؟
ابن الصمصامة	: (يدخل) ايه دا فيه ايه ... آه.
جندى ٢	: الراجل دا.
ابن الصمصامة	: انت مين ؟
الوالى	: مولاي القائد الكبير ابن الصمصامة.
ابن الصمصامة	: الصوت دا اعرفه.
الوالى	: انا الوالى متولى.
ابن الصمصامة	: آه صحيح انت متولى.
الوالى	: ايوه انا متولى.
ابن الصمصامة	: ولايس كده ليه ؟
الوالى	: اصل اصلى عيان يا مولاي .. جات لى حمى مش طايق الهدوم اللى عليا.
ابن الصمصامة	: لا حول ولا قوة إلا بالله.
الوالى	: استئذنىك يا مولاي.
ابن الصمصامة	: يا والى استنى لما نجيب لك طبيب.
الوالى	: لا انا حاروح البيت يا مولاي.
ابن الصمصامة	: انا ح وصلك بنفسى.
الوالى	: (يشير الى الصناديق)
ابن الصمصامة	: (هامساً) قسام التراب.
الوالى	: الظاهر فعلاً ان الحمى تعباك يا والى.
الوالى	: فعلاً أنا تعبان .. بس احب اقولك قسام التراب مستخبي هنا هو وولاده.
	: (يجذبه للخروج - يخرج القاضى من البستان)
القاضى	: انت فين يا والى؟
قسام	: (يصفر) (يخرج سعد وزعترا وزبيدة ومريم)
	: أنا اهه اسمع يا قاضى.
القاضى	: نعم.
قسام	: اخلع هدومك واديهها لسعد.
القاضى	: سعد .. لا .. وهدومى ليه؟ انا مش قانع هدومى.
مريم	: اقلع هدومك يا قاضى.

القاضى	: أول مرة تطلبى منى طلب يا مريم تقولىلى اخلع هدومك .. مش لما نتجوز الأول.
زبيدة	: انت بتهزر يا راجل.
القاضى	: اهزر ليه؟ اطلقى من سعد يا مريم الأول وانا اتجوزك واقنع هدومى.
مريم	: طيب اقلع هدوك الأول واديهها لسعد.
القاضى	: وسعد حيطلقك لو خد هدومى.
قسام	: يلا يا قاضى اقلع هدومك .. وانت يا سعد بدل هدومك معاه.
القاضى	: ح اقلع أهه.
سعد	: وانا اهه حالبس الهدوم.
القاضى	: الهدوم دى مليانه براغيث وقمل.
سعد	: اخرس.
القاضى	: مش ح البسها.
سعد	: انت حر.
القاضى	: انت اخدت هدوم طلق مريم بقى.
سعد	: خد عينى وادينى مريم.
مريم	: يا راجل عيب دا انا قد ولادك.
القاضى	: العيب هو انا طالب ايدك على سنة الله ورسوله.
قسام	: يلا يا سعد .. خد مريم وروح بلاد القراميط.
القاضى	: القرامطة.
قسام	: ايوه .. ولما يعرفوا انك جوز بنتى حيرحبوا بيك.
مريم	: انا يا ابيه ما سيبكش.
زبيدة	: اسمعى كلام ابوكى.
سعد	: انا مش ممكن اسيك يا عم قسام
قسام	: بقولك ايه يا واد.. لو جبت واد سميه قسام التراب.
زبيدة	: ولو جبت بنت سميه زبيدة.
القاضى	: حتسيبنى لوحدى هنا؟
زبيدة	: حنسيك للذكريات.
مريم	: مع السلامة يامه.
زبيدة	: مع السلام يا مريم.
مريم	: مع السلامة يا ابيه.
قسام	: مع السلامة يا بنتى.
القاضى	: مع السلامة يا حبيبتي.
سعد	: مع السلامة يا عمى.
قسام	: مع السلامة يا سعد خللى بالك من مريم.
	: (يخرج سعد ومريم) (صوت ضوضاء يختفون.. قسام وزبيدة زعتر) (يبقى القاضى بمفرده) (يدخل ابن الصمصامة ينظر يجد القاضى بملابسه الداخلية)
ابن الصمصامة	: انت مين؟
القاضى	: انا القاضى.
ابن الصمصامة	: القاضى.. ايه ايه اللى عمل فيك كده؟
القاضى	: مريم.
ابن الصمصامة	: مريم مين؟
القاضى	: ايوه مريم بنت قسام التراب.

ابن الصمصامة	: مريم بنت قسام التراب .. حلوة.
القاضى	: قوى.
ابن الصمصامة	: وهى فين ؟
القاضى	: مشيت.
ابن الصمصامة	: فين ؟
القاضى	: راحت بلاد القرامطة.
ابن الصمصامة	: (يضحك) وهدوك فين؟
القاضى	: خدهم سعد.
ابن الصمصامة	: سعد مين ؟
القاضى	: جوز مريم.
ابن الصمصامة	: هى مريم متجوزة.
القاضى	: للأسف وقلت لأبوها طلقها رفض.. انا فى نار لما أشوفها جسمى كله يولع نار.
ابن الصمصامة	: هى الحمى منتشرة فى بلدكم من امتى واشمعنى جسمكم بيولع نار.
القاضى	: انا بولع نار لما بشوفها.
ابن الصمصامة	: تسمح لى أوصلك لحد الدار.
القاضى	: طيب .. الحقها وهاتها قبل ما توصل الحدود.
ابن الصمصامة	: حاضر.. حاضر.
القاضى	: طيب كلم لى قسام التراب.
ابن الصمصامة	: هو فين ؟
القاضى	: هنا (يشير الى صندوق القمامة)
ابن الصمصامة	: انت متأكد ؟
القاضى	: ايوه متأكد .
غسان	: أهلاً بقاضى القضاة.
القاضى	: قوله يا غسان.
غسان	: أقوله ايه ؟
القاضى	: قوله إن قسام مستخبي فى الصندوق.
غسان	: (يرتبك ويضحك) معقولة قسام مستخبي فى صندوق الزبالة.
ابن الصمصامة	: (يجذب غسان بعيداً) هو فيه ايه .. ماله القاضى.
غسان	: أصله عقله ساعات بيهوى منه يقلع كدة زى ما أنت شايف.
ابن الصمصامة	: والوالى.
غسان	: نفس الشئ .. مرض .. مرض عقلى.
ابن الصمصامة	: طيب ربنا يشفى.
غسان	: أمين.
ابن الصمصامة	: ياللا بينا يا قاضى (اثناء حديث القائد ابن الصمصامة مع القاضى.. قسام يخرج ويضرب القاضى على رأسه ويختفى)
ابن الصمصامة	: القاضى وقع على الأرض يا جنود.. (يدخل بعض الجنود)
ابن الصمصامة	: دخلوه البستان.
غسان	: شكراً يا مولاي وديه داره احسن.
ابن الصمصامة	: ودوه لداره وأنا جاى معاكم (يخرج خلفهم)
قسام	: (يخرج ويصفر.. تخرج زوجته ويخرج زعتر)
غسان	: الحمد لله.
قسام	: ادى هدومك يا عم غسان لزعتر.

- زعر : انا لأ .
- غسان : خد يا زعتر هدومي .
- زعتر : اروح فين يا معلمى من غيرك ؟
- غسان : تروح أى مكان .
- زعتر : طول عمرنا يا معلمى ننصف الشوارع ونصفنا الناس وشلنا بلاويهم ما اقدرش أفوتك لو فتك أموت زى السمك لو طلع من الميه يموت .
- زبيدة : يا زعتر جايز .
- زعتر : جايز إيه .. نموت .. نموت سوا .. انا لا حيلتى عيل ولا تيل .
- صوت المنادى : يا أهل دمشق الفيحاء .. خمسين ألف دينار لأى إنسان يقبض على قسام التراب .
- قسام : أنا بساوى خمسين ألف دينار .. دا أنا كنت بكسب دينار فى الشهر .. قد كده أنا غالى عند العزيز الفاطمى .
- غسان : ادخل مدد جمسك وكل ونام يا قسام .
- قسام : لا يا عم غسان انت لاح تقدر ولا ولادك ولا حد حيقدر ينام .
- غسان : بتقول ايه يا قسام؟
- قسام : نادى المنادى يا عم غسان .
- غسان : بتقول ايه يا قسام يا ملك الشام؟
- زبيدة : يا ملك الرجال .
- زعتر : يا فارس كل زمان .
- قسام : سبع سنين يا زبيدة .. سبع سنين حكمننا الشام .. جالنا الملوك والفرسان .. جالنا السفراء والأعيان .. حكمننا الشام .. نفطنا الشوارع وحمينا الجدعان سبع سنين .. يا غسان جالى آلاف آلاف الجدعان سبع سنين يا غسان .. آلاف آلاف الدينانير ما خلناش فى الشام فقير .. كان الحب مالى بيتنا ومالى الشوارع .
- قسام : والعلم مكنسة وفقة .. سبع سنين يا زعتر حرب مع الحدود جنود العزيز الفاطمى وناس اتولدت وناس اتقتلت وناس تنجرح وناس تندبح .. زهقت تعبت وفى النهاية هريان فى صفيحة زباله البستان .. لأنى ما نستش إنى زبال .. والزباله اللى حمتنى .. نادى على الجنود يا عم غسان .. وسلمنى واقبض الخمسين ألف دينار ووزعهم على أهالى الناس اللى حاربت معايا وانجرحت معايا .. واعمل وطنى ولو مرة .
- غسان : بتقول ايه يا قسام أنا اسلمك وبايدى .
- قسام : انت حتسلمنى وتستلم خمسين ألف دينار فيه ناس محتاجة دلوقت لدينار وأنا مش ح أفضل طول عمرى هريان .
- زبيدة : اسمع الكلام يا عم غسان .
- قسام : هات حبل يا زعتر .
- زعتر : حاضر (يخرج حبل من وسطه)
- قسام : خد يا عم غسان اربطنا أنا وزبيدة وزعتر ونادى جنود ابن الصمصامة .
- غسان : مش معقول يا قسام؟ .
- قسام : اسمع الكلام يا غسان .
- غسان : مش قادر .
- قسام : اربطنى يا زعتر أنا وزبيدة .
- زعتر : بس .
- قسام : اربطنى يا زعتر انا وزبيدة .

- زعتري : حاضر.. (يلف الحبل حول قسام وزبيدة)
قسامي : اربط زعتري بقى يا غسان.
غسان : انا ما اقدرش اربطه حيسألونى ربطهم هم الثلاثة ازاي ح أقولهم ايه أنا وزعتري.
قسامي : دار صح.. خلى زعتري معاك.
زعتري : انا عايز أروح معاك مطرح ماطروح.
قسامي : اسمع يا غسان إحنا حنعمل إننا نايمين وكتف زعتري معنا و قوله إنك سقينا بنج وإحنا نايمين.
زعتري : الله يخليك يا معلمى.
غسان : تعالى يا زعتري لما اكتفك.
زعتري : (يكتفه) كتفنى قوام.
غسان : أعملوا نايمين (ينامون)
غسان : أشوف وشك بخير يا قسام.
(ينادى) يا عسكر يا جنود.. قبضت على قسام التراب.. قبضت على قسام التراب. (يدخل الجنود و ابن الصمصامة)
ابن الصمصامة : ايه دا مش معقول قسام التراب.
غسان : جالى وهددنى هو ومراته وصاحبه.. وعزمتهم وأكلتهم وشربتهم وسقيتهم البنج وناموا كتفتهم.
ابن الصمصامة : دا صغير مش كبير.
غسان : دا عيل ٣٦ سنة وبس.
ابن الصمصامة : انت هایل يا غسان.. لك مكافأة خمسين ألف دينار.
غسان : حتوديه فين.. حتقتله.
ابن الصمصامة : العزيز الفاطمى عايزه حى.. عايز يشوفه.. أما مراته وصاحبه دول مش عايزهم.
زبيدة : مش عايزنا ليه أنا مش ح أقدر اسيب جوزى.
ابن الصمصامة : انت صاحبه ولا نايمه.
زبيدة : ايوه صاحبة.
زعتري : خدنى معاه والنبي يا عم.
ابن الصمصامة : وانت صاحى يا قسام؟
قسام : لا أنا نايم.
ابن الصمصامة : يا عساكر العزيز الفاطمى املوه على الاكتاف أو زبال فى التاريخ بقى سلطان.. لسبع سنين وحكم الشام لقصر العزيز الفاطمى فى القاهرة.

(المشهد الأخير)

(يفتح الستار على العزيز الفاطمي وقد جلس على كرسيه وقد وقف أمامه ابن

(الصمصامة)

- العزيز الفاطمي : مش معقول يا ابن الصمصامة مفيش دهب عند قسام التراب .
ابن الصمصامة : ولا عنده دهب ولا حرير ولا ماس .
العزيز الفاطمي : الله أمال عنده ايه .. وهرب فلوسه فين ؟
ابن الصمصامة : والله يا مولاي حاجة تحير .. لا مهرب فلوسه ولا عايش عيشة ملوك .. لكن
الناس كلها مبسوطة ومفيش وزراء ولا أمراء ومفيش فقراء .
العزيز الفاطمي : جوز بنته؟
ابن الصمصامة : قبضت عليه وهو بيهرب على حماره ومعه قفة عيش وجبنة وبصل .
العزيز الفاطمي : بصل .
ابن الصمصامة : أصله بياكل الجبنة والبصل .
العزيز الفاطمي : جبنة وبصل وهو قائد الشرطة .
ابن الصمصامة : مش فاهم الناس دول ايه حيوانات .. شهر يا مولاي والحرب بينا سجال مرة
يهزم ومرة ينهزم .. والخسارة كانت كبيرة .
العزيز الفاطمي : خسائر في البشر والمال .
ابن الصمصامة : لكن المجد لنا يا مولاي .
العزيز الفاطمي : والجواري .
ابن الصمصامة : ما عندوش .. عنده واحدة ست شبة الرجالة اسمها زبيدة .
العزيز الفاطمي : أعوذ بالله .
ابن الصمصامة : كل يوم بيمر على الشوارع والحواري ويسأل الناس عن أحوالهم ويضحك
معاهم ويأكل معاهم ويشرب معاهم ويحاسبهم .
العزيز الفاطمي : ظريف ظريف .. قسام التراب دا .
ابن الصمصامة : آه والله يا مولاي .. ركبته حمار ومشيته في شوارع القاهرة لكن الشئ
الغريب كل زعران مصر طلعت تحييه وتصقف له .
العزيز الفاطمي : كمان في مصر مشهور .
ابن الصمصامة : (يخرج ورقة من جيبه) تأمر بقتله وتعليقه على باب زويلة .
العزيز الفاطمي : لا يا ابن الصمصامة .. ما اقدرش اقتله احسن يبقى بطل في عيون الناس ..
عاش زبال لازم يموت زبال ومش ملك .
ابن الصمصامة : والحل؟
العزيز الفاطمي : حاكموه وحاسبوه مع المجرمين .
القاضي : (يدخل مسرعاً) الحقنى يا مولاي العزيز .
العزيز الفاطمي : مين دا؟
ابن الصمصامة : دا قاضى الشام .. بس تعبان شوية .. جاتله حمى قلت اجيبه معايا نشوف له
علاج .. لقبته هو والوالى جاتلهم حمى .
القاضي : انا مش عيان ولا تعبان يا مولاي .
العزيز الفاطمي : انا مش فاهم ايه اللي خلاك عريان .
ابن الصمصامة : لا .. لازم تفهم ايه اللي خلاك عريان .
القاضي : قسام التراب .. لما استخبى في صندوق الزبالة .
العزيز الفاطمي : (يضحك) استخبى في صندوق الزبالة .
القاضي : آه .

- ابن الصمصامة : يا مولاي دي تهيؤات.
- الوالى : (يدخل جارياً) مولاي .. الحقنى .. إدونى هدومى.
- العزیز الفاطمى : مين دا ؟
- ابن الصمصامة : والى الشام السابق راخر تعبان.
- الوالى : انا مش تعبان أنا عريان وسقعان .. بردان.
- العزیز الفاطمى : اديله هدومه حرام عليك يا بن الصمصامة تسبهم عريانين.
- ابن الصمصامة : هدوم .. هدوم (يصفق)
- الوالى : يا مولاي .. قسام التراب كان فى صندوق الزبالة عند بستان غسان.
- العزیز الفاطمى : يحاكم قسام التراب أمام العامة مع المجرمين أمثاله.
- ابن الصمصامة : فض المجلس.
- العزیز الفاطمى : (يخرج)
- القاضى : (لابن الصمصامة) ممكن أحاكم قسام التراب؟
- ابن الصمصامة : لا.
- الوالى : طيب انا.
- ابن الصمصامة : لا.
- القاضى : طيب ممكن أقابله علشان عايز أسأله سؤال واحد بس ؟
- ابن الصمصامة : تسأل عن إيه ؟
- القاضى : موضوع شخصى.
- ابن الصمصامة : مفيش مواضيع شخصية قولى الحقيقة .. قول.
- القاضى : اسأله مريم راحت فين ؟
- الوالى : (للقاضى) يا راجل بطل بطل بقى .. كفاية جواز وطلاق .. (يخرج ابن الصمصامة وخلفه الوالى والقاضى .. مع تحول الديكور الى سجن قسام التراب ومعه زوجته وزعتى ومجموعة من الزعران والحرافيش).
- حرفوش ١ : واحدة فى سجن الرجال.
- زبيدة : اتنيل على ع ينىك واسكت.
- حرفوش ٢ : الله .. الله دى يا جدعان.
- قسام : دى مراتى.
- زعتى : دى مرات ملك الرجال قسام التراب.
- حرفوش ٣ : قسام التراب ملك الشام.
- زعتى : ملك الرجال.
- حرفوش ١ : وهو هنا ؟
- زبيدة : قدامك اهه.
- حرفوش ٢ : الله امال مش باين ع ليه لبس الملوك والأمراء والمماليك.
- قسام : الهدوم بتخبى تحتها حاجات معفنة ومنتنة وانت وبختك.
- حرفوش ٤ : يا سجن القلعة يا رجال ملك الرجال قسام التراب هنا يا مرحبا.
- المساجين : يا ألف مرحب .. يا ألف مرحب.
- السجان : ايه الدوشة دى .. ايه الزيتة دى .. فين المهيب الملعون قسام التراب.
- حرفوش ١ : انا قسام التراب.
- حرفوش ٢ : انا قسام التراب.
- حرفوش ٣ : انا قسام التراب.
- حرفوش ٤ : انا قسام التراب.
- (أصوات من خارج الزنازين)
- أنا قسام التراب .. أنا قسام التراب.

- قسام التراب : ما تصدق هوش يا سجان أنا قسام التراب .
- زعتري : انا قسام التراب .
- زبيدة : أنا قسام التراب .
- السجان : والبنى ايه انتى قسام التراب يا ولية .. يا مساجين انتهى وقت الهزار .. فين قسام التراب؟
- قسام : أنا أهه .
- السجان : اسمك ايه الحقيقى ؟
- قسام : قسام .. واسم الشهرة قسام التراب .
- السجان : انت متهم بالخروج عن الطاعة .. وحاربت العسكر الفاطميين وخرجت عن طوع مولانا العزيز الفاطمى .. الكلام دا صحيح .
- قسام : بالعربى الفصيح والصحيح الصحيح .. انا ملك الشام .. ولا اتكلم مع سجان أنا اتكلم مع العزيز الفاطمى .
- العزيز الفاطمى : (يدخل) أنا جيت لك يا قسام التراب .
- قسام : اهلاً بالملك العزيز .
- العزيز الفاطمى : أهلاً يا قسام شفت ازاي غبت ٧ سنين وجيت لى القاهرة .
- قسام : القاهرة .. القاهرة .. وجعتوا دماغى بالقاهرة العامة الظافرة .
- العزيز الفاطمى : ايوه القاهرة العامرة .
- قسام : كان نفسى أشوفها .
- العزيز الفاطمى : شفتها .
- قسام : وزعلت عليها يا عزيز مصر يا فاطمى .
- العزيز الفاطمى : مش فاهم زعلت علشانها ازاي ؟
- ابن الصمصامة : نقتله يا مولاي .
- الوالى : ندبجه يا مولاي .
- زبيدة : قطع رقبتك منك له .
- زعتري : اقتلونى قبل منه .
- حرفوش ١ : اقتلونى معاه .
- حرفوش ٢ : اقتلونى معاه انا كمان .
- حرفوش ٣ : وانا كمان .
- العزيز الفاطمى : نقتله يا قاضى .
- القاضى : بس نسأله الأول مريم فين يا مولاي ؟
- زبيدة : انت هنا يا مقصوف الرقبة ؟
- القاضى : انت عمى زبيدة قوليلى مريم فين هى والولد سعد ؟
- العزيز الفاطمى : هنا مريم وسعد وكل ولاد قسام التراب مالها القاهرة يا قسام .
- زبيدة : قبضتم عليهم ؟
- العزيز الفاطمى : جبناهم .. مالها القاهرة يا قسام ؟
- الوالى : القاهرة الماسة الكبرى للعزيز الفاطمى .
- القاضى : القاهرة درة قاندنا الهمام جوهر الصقلى .
- الوالى : ايوه .
- ابن الصمصامة : او عك تقول ان الشام أفضل لما كنت ملكها .
- زبيدة : خللى الراجل يتكلم .
- العزيز الفاطمى : اتكلم يا قسام .
- قسام : القاهرة مليانة زباله .. الورق فى كل شوارع والزباله فى كل مكان .. أنا عملت العلم مقشة وقفة علشان كل واحد يشيل الزباله .. خلّيت الشوارع

